

ما تسوى حياتي دونج..

للكاتبة /:- معاني..

~~~~~

تجميع :فيتامين سي

شبكة روايتي الثقافية

~~~~~

الجزء الاول..

طالعت ساره ساعتها .

فقالتمس عمرها..اووه تو الناس ع الدوام انا شو مطلعني

بها الحزه..""

وقفت عند محطة البترول و صبت بترول في السياره..فكرت وين

اتروح .. لي ما تبدا ساعات دوامها..

وقفت عند كافتيريا و طلبت حليب كرك..يلست تشرب في
السياره..

مر في بالها ..وين كانت و كيف صارت..

حمدت ربها في قلبها ع الريال الطيب الي ساعدها و شغلها عنده
في الشركه..بو هزاع..

لولاها جان الحين ..صج بتبهدل في حياتها..

ابتسمت كيف دشت له المكتب ..تترجاه انه يشغلها و حكى له
ظروفها..

و طيبة قلبه خلته يشغلها في البدايه بمكان.. عادي و بسيط.. و
مع مرور السنين كانت تترقى لي ما صارت سكرتيرته الخاصه..

حبت شغلها ..و صارت كل حياتها..اصلا لو مب شغلها..ما
عرفت اتربي عيال أختها بعد وفاتها و وفاة زوجها بحادث
سياره..

غمضت عيونها..تذكر اليوم الي وصلها خبر هالحادث ..كل السبب
من زوج اختها..كان مدمن خمر و بطالي ما يشتغل..و الحين بعد
ما مات و جتل زوجته بحادث ترك ثلاث عيال..من غير بيت و
مصرف ولا راتب بعد..

ما كانت اتعرف شو مصبر اختها عليه..

فتحت شنطتها و طلعت صور عيال اختها من البوك..

ابتسمت يوم جافت صورة التوم عبادي..و حمودي..

وصورة فتون الي عمرها ثلاث سنوات..

اكيد ما بتنسى فضل بو هزاع عليها ..جان الحين بتعتمد ع راتب
امها مال الشؤون الي ما يكفي اسبوعين بس..

طالعت الساعة ..وتحركت..وصلت مكتبها بعد عشر دقائق..

وصل (بو هزاع)

ساره: السلام عليكم..

بو هزاع: عليكم السلام..يوم اجوف هالابتسامه انسى الوبع الي
في جسمي كله..

ساره: ما اتقصر بو هزاع..

بو هزاع: ممكن اتيبين لي البريد ..

ساره: ان شا الله.

كانت ساره اتحب ترمس مع بو هزاع و بالعكس ما كانت تضايح
من كلامه يوم يمدحها لانها كانت تعتبره شرارت ابوها ..

حست انه جريب منها..لانها ما عاشت حياتها مع ابوها ..فكانت
اتجوف بو هزاع بصورة ابوها خاصه لان معاملته لها شرارت
عياله بحب و حنان..و هالشي الي مخلي ساره تعشق شغلته..

بعد ما خلص بو هزاع من قراعت الرسائل الي جافها مهمه ..

اتسند ع الكرسي..

ساره: عسى ما شر.

بوهزاع: الظاهر خلاص شيبنا ما انروم نشتغل.

ساره: (تبتسم) ما شا الله عليك شرارت الحصان لا شيبت ولا شياتة.

بوهزاع (يضحك) اتقصين علي .. انا من زمان شيبه حتى اكبر عيالي بعد جم سنة بيصير في الثلاثينات..

ساره: الثلاثينات توه شباب.

بوهزاع: يا بنتي بيبي اليوم الي لازم ارتاح فيه من الشغل كل حياتي شغل.. مليت.

ساره: افا .. انت الي معلمني كيف احب شغلي صرت اتقول هالرمسه..

بوهزاع: انتي بعد ج 24 سنة عمر الزهور.

ساره: (تضحك) الله يعطيك الصحة و العافية بو هزاع.. اسمحلي
برد ع تلفون المكتب.

بو هزاع: خذي راحتج يبه..

ردت ساره ع تلفون المكتب.

ساره: الووو

ام ساره: ها يمه.. شحالج.

ساره: طيبه يا الغاليه ..خير متصله..!؟

ام ساره: بغيت اذكرج اتمرين تشتريين شريط الفيديو حق عيال
اختج.. ترا البارحه صدعوا براسي.

ساره (تضحك) افا عليج .. انتي اتامرين الا شو اسم الرسوم
!!

ام ساره: و انا شدراني انا زين مني اعرف انطق اساميهم..

ساره (تضحك) خلاص ما يهمج بدور لهم شريط ازقرت بعيبهم.

ام ساره: هي اتعرفين بعد ما فيني يغثوني .ياالله يمه فمان الله.

ساره: مع السلامه الغاليه.

بعد ما خلص وقت الدوام و طلعا الموظفين من الشركه ..وقفت
ساره يوم جافت بو هزاع طلع من مكتبه.

بو هزاع: ياالله يبا شو تترين روي لببت.

ساره: ان شا الله بس بغيت اذكرك شربت حبوب القلب .

بوهزاع: اووهوو انا افتك من حنت عيالي في البيت ..اتيبي انتي.

ساره: تراك غالي ..و انخاف ع صحتك.

بو هزاع: شربتها و الله شو الدريول برع.

ساره: هي موجود برع.

بو هزاع : عيل يالله الله يحفظج.. لا اتمين هني وايد ..

ساره: خلاص طالعه وراك ..ربي يحفظك.

فكرت ساره في السياره "اممم الله يهداج امايه وين الحين محل فيديو مفتوح بها الوقت.. اذا رجعت البيت من غير شريط الفيديو بياكلونين .."

يلست اتلف في السياره.. و اتمر ع محلات الفيديو الي اتعرفها ..بس كلها امصكره..

قررت اتمر ع اخر محل.. اذا كان امصكر بعد خلاص بترجع البيت ..لانها حست انها بتموت من الیوع..

ساره اترمس عمرها "قاصين علي عبادي و حمودي .اطراق ع ويوهم يخليهم سنعين.."

وقفت عند محل الفيديو ..استانست يوم جافت شاب طالع من المحل..

"اخيرا لقيت محل مفتوح.." و ابسرعه فتحت باب السيارة ..من غير ما تنتبه ان ها الشاب كان يمر عند باب سيارتها ..

فمجرد ما فتحت الباب ..يت ضربه ع الشاب ففقد توازنه وطاحت 3 الاشرطه الي شالنها من ايده..في الشارع..وواحد من الاشرطه ..وصل الشارع فمرت سياره ..وكسرتة..

حست ساره ان كل شي مر ابسرعه..حطت ايدها ع حلجها..

نزلت من السيارة..و طالعت الشاب..الي سار صوب الشريط الي داسته السيارة..

ساره(متلومه) اسفه ما اقصد..

الشاب: (مخرج)ها الي يقبضكن ليسن..

ساره: صدقني كنت مستعيله و ما جفتك..

الشاب: (بعده محرج) و انا شو ذنبي ولو طيرتيني ع الشارع
..بدل ها الشريط ..كانت السياره بتدهسني.

حست ساره بالاحراج..فسكتت.

الشاب: شو اسوي بها الشريط المكسور الحين ..تراني ماجرته.

ساره: خلاص بدفع قيمته.

الشاب: (معصب) شو تدفعين قيمته ع بالج ما اروم ادفع قيمته .

ساره: (عصبت) اووه قلناك اسفين ما جفناك حق شو ها الزوبعه
كلها.

الشاب: نعم ..يا برودج ارواح الناس رخيصه عندج.

ساره: (متأففه)الحمدلله ما صار فيك شي..لو سمحت انا مستعيله.

الشاب(محرج) بعد مستعيله انتي ما اتوبين حمدي ربح يت سليمه
هالمره.

ساره: لحوووووول الظاهر اليوم ما بنخلص.

الشاب: ارمسي عدل لاتصل بالشرطه الحين تسحب عنج هاليسن
..الي ماخذتنه بالواسطه.

ساره: الظاهر انت قليل ادب و انا الي ما عندي سالفه واقفه
اعتذر منك..

قبل لا تسمع رده ..تحركت ابسرعه صوب المحل..

سمعتة يقول من بعيد..

الشاب: بنات اخر زمن..

ساره من قهرها من ها الشاب الي ما جافت ما عنده ذرت احترام
..ولا اخلاق..فكرت اتعامله المثل بالمثل..

فصدت صوبه..طلعت لسانها..ودشت المحل.

راعي المحل: شو في مشكل ماما.

ساره: انت اشعليك ..شو عندك اشرطة فيديو كرتون ..

راعي المحل: شي شريط اسم اناستازيا واجد هلو.

ساره: زين عطني ياه ..فكنا بسرعه ..

راعي المحل: (يهز راسه) ان شا الله..

طلعت ساره من المحل..حمدت ربها ان ها الشاب..محد و سيارته
بعد مب موجوده..

اتتهدت يوم وصلت البيت..و هي نازله من السياره انتبهت ..شي
كلام مكتوب ع جامت سيارتها..

" وويووو ما اتعرف اتسوق ماخذه ليسن بالواسطه"

عصبت ساره " اكيد ها السخيف ..اووف"

طلعت كلينكس من شنطتها و مسحت الرمسه الي كاتبنها..

دشت البيت تتحرطم..الله يغربله غبر سيارتي و كتب عليها
السبال"

ام ساره: بلاج تتحرطمين شرات نوبا

ساره(مضايجه) تعالى قصي ايديني جان مره ثانيه سرت اشترى
شي لعيال الخبال..وينهم..

ام ساره (تضحك) شو صار لج ..المهم شريتي الشريط..

ساره: هي شريته لهم ..ها خذيه لهم..

ام ساره: واعليه اكيد يوعانه بقول نوبا اتحط لج الغدا ..

ساره: مشكوره امايه مب مشتويه اكل شي بس قولي نوبا اتغسل
سيارتي شي جلب نقر فوقها

ام ساره : (تضحك) عشان جي تتحرطمين ..ما عليج روي
ارتاحي ..

ساره: (تبوس ايد امها) من عيوني..

وسارت حجرتها..حاولت ترقد بس ما رامت ..مضايجه من الي
صار لها قبل شويه..

قالت اترمس عمرها

"انا السخيفه الي يالسّه افكر بالموقف.."
كانت بترقد بس سمعت دقات ع باب حجرتها..
_ خالوووووه افتحي الباب..
ساره "اوووووف انتوا بعد الحين بجتلکم"

قامت تفتح باب الحجره..

ساره: خييبيير..

حمودي: شو هالشريط الي مشترته.

ساره: تشرط بعد احمد ربك انت ..

عبادي (شويه و بصيح) شو ها مال البنات شو نحن بنات.

ساره: اوووه انا اليوم صارت لي مشكله بسببكم..و كل الي صار
و مب عايبنكم الشريط.

حمودي: رجعيه نبا شريط مصارعه.

ساره: نعم اسفه ما اقدر.

عبادي: عيل انا ما احبج.

حمودي: حتى انا ما احبج و بقول فتون ما تحبج بعد.

ساره: عن انتحر بس ..

طالعت ساره نظراتهم ..حست بشي غريب نزلت اتبوسهم ع
خدهم..

ساره: انزين شو رايكم اتروحون اتراجعون دروسكم و بعد ين
باخذكم المحل و ابروكم اشتروا الشريط الي تبونه..

حمودي (يحضنها) بعد بنشتري شريطين.

ساره: يا الطماع..

عبادي: لا بنشتری ثلاث عشان انا و حمودي و فتون ثلاثه صح خالوه.

ساره:- مصختها .. شو رايك تشترى المحل بكبره..

حمودي: يوم بستوي كبير بشتري حق امايه كل شي ..

ساره: و انا.

حمودي : انتي لا .

ساره : (تضحك) يا الشيطان خلاص بشتري شريطين شو قلتوا.

عبادي (يركض) ههیییییییه..

ساره: وينها فتون..

حمودی: نایمه عند امایه.

ساره: يا لله روحوا راجعوا دروسكم و بعدين قوموني من الرقاد
عشان انروح نشترى اشرطه..

حمودي و عبادي يركضون.. برع الصاله..

_انزي—ن خالوه..

الجزء الثاني..

و في السياره ..

ساره: بس لا تصارخون ترا بنرجع البيت.

فتون: هذا عبادي.

عبادي يضرب فتون..

ساره: عبادي خلاص ما بشتري لكم شي.

عبادي (شويه وبيصيح) هي الاول ضربتني.

حمودي: جذاب خالوہ.

سارہ: و ابوہ ما اعرف اسوق بالحشرہ اللہ یهداج اماہ جان
ییتی معانا.

وصلوا المحل و دشوا و بعد ما صدعت سارہ..اخیرا قرروا شو
یشترون..

فتون: عیل انا ابا عروسہ.

سارہ: من عیونی .

عبادی: انا بعد ابا سیارہ.

سارہ: ماشی اذا تبا سیارہ رجع الشریط.

عبادی: لا خلاص ..ما ابا..

سارہ (تبتسم) فدیئتک حبیبی..

تحرکت سارہ بسیارتها بعد ما طلعت من محل الفیدیو..

وسارت صوب محل الالعب عشان تشتري لعبه حق فتون..

و بالطريچ..جافت سياره وايد تجرب منها..توقعت ساره انه حد
من صديقاتها يسوي فيها مقلب و حركات.

بس هاي السياره ما اتعرفها ..و لا حد اتعرفه عنده شرات هاي
السياره..فكرت انها اطنش..

وقفت عند محل الالعب..نزلت من السياره و نزلت معها اليهال..

ساره(اترمس اليهال) ياالله حبايبي ابسرعه اشتروا ..ترا بعد بنمر
المطعم بنشتري عشا.

ركضوا اليهال و دشوا المحل مستانسين..

حست ساره براحه يوم جافت اليهال جي مستانسين..كل واحد
يدور له لعبه ..يلست اطلعهم ..

بعد العشا ..يلست اطلع التلفزيون..مر ع بالهاا الحادث الي
صار لها اليوم..

قالت في خاطرها "لا يكون هو صاحب السيارة الي من ساعه
يالس يسوي لي حركات.. اكيد هو..""

و في يوم.. كلعاده.. سارت مكتبها قبل الوقت.. ياها اتصل من بو
هزاع.

ساره: هلا بو هزاع.

بوهزاع: شحالج يبه.

ساره: ربي يعافيك..

بو هزاع: انا اليوم ما بدوم.. برتاح شويه.. اذا شي اوراق مهمه
طرشيها بيد الدريول.. و أي اجتماع اجليه حق باجر..

ساره: ان شالله ما اتجوف شر.

بو هزاع : الشر ما اييج يا بنتي.

يلست ساره تشتغل.. حست بالتعب لانها اتذكرت انها ما خذت
راحه..

قالت في خاطرها "اممم اليوم بدون بو هزاع مول مب شي..""

و في نهاية الدوام..بعد ما الكل طلع من الشركه طلعت و طرشت
الاوراق بيد الدريول لـ بو هزاع.

فكرت اليوم اطلع اليهال صوب البحر..اشويه اتونسهم و تستانس
معاهم..

وقت العصر ..سحبت اليهال معاهم.

ام ساره: اتحملي فيهم.

ساره: زين تعالي معانا..

ام ساره: تدرين من بعد وفاة اختج الله يرحمها مالي نفس اطلع
مكان..

ساره: الله يهداج الحينه مرت سنتين و نص..

عبادي: ياللللله خالووه..

ساره: انزين اوف منك انت..

ام ساره: خذي معاج نواف.

ساره: و انتي بتمين ابروحج.

ام ساره: بسير بيت اليبيران.

ساره: يا الله فمان الله..

دقائق وصلت البحر بعد ما مرت الدكان تشتري لليها كره يلعبون فيها..و شيبسات و عصائر..

يَلَسْتُ نَوْفًا اَتَرَقَّبُ عِبَادِي وَ حَمُودِي يَلْعَبُونَ فَوْقَ الرَّمْلِ..و سَارَهُ
يَالَسَهُ اَبْعِيدُ وَ فَوْقَهَا فَتُونٌ..كَانَتْ سَارَهُ..

تتأمل و اطالع الناس ما توقعت اجوف ناس هني ..بس الظاهر
اليوم الكل عايينه الجو..و حبوا يغيرون ...

بطلت ساره عيونها يوم سمعت صوت من وراها
__ ما شا الله عيل وينه بو العيال.

من غير ما تلتفت ساره وراها عرفت صاحب الصوت..

فحبت اطنشه..بس فتون يلىست تضحك له ..و تصارخ تبا تركب
معاه في البانشي...

مسكتها ساره..و عطته ظهرها و يلىست ..مرتبه ..شو يبا ها
الانسان منها..

سمعتة يقول:- وين قيمة الشريط.

ساره: (من غير ما تلتفت صوبه) بجم و بعطيك الدبل.

سمعتة يضحك..اتترفزت من ضحكته..

الشاب: (يضحك) ما ابا بيزات ابا شي غير البيزات.

طالعتة ساره محرجه..

الشاب: ا(يضحك) أبا الليس مالج..
ساره: انت شو حارنك.. اكيد ما عندك ليسن.

الشاب: هي خليته لج ..ممكن اتعلميني السواقه.

وقفت ساره..تزقر نوفا عشان اتيب عبادي و حمودي..

ركبت السياره ..كانت اتعرف ان هالشاب بعده يطالعها..قالت في
خاطرها شو هالانسان قليل ادب..صج عيونه زايغه.

حركت السياره..بس هو اتحرك و غاب عن عيونها قبل لا تتحرك
سييارتها..

و في السياره جافت ساره ..فتون عندها مفتاح صندوق بريدها
..فخذته من عندها..

ساره: شيطانه من وين طلعتيه.

فتون: مناك برع.

فتحت ساره سدت السياره ..خلت المفتاح داخله ...

فكرت ساره اطرش باقة ورد لـ بو هزاع..البيت لان ها اليوم
الثاني الي ما يداوم فيه..

في البدايه كانت متردده يمكن اتسوي مشاكل و حساسيات من
بينه عياله..بس بالاخير ..

جافت ان من الواجب اطرش له باقة ورد بس باسم كل
الموظفين..

عرفت ساره ان بو هزاع ما يداوم ثلاث ايام..يعني ورا باجر
بيكون موجود..

كانت من وقت لوقت تتصل به تسال عن اخباره..

لان حسبت ان هالانسان وايد ساعدها فواجب عليه انها تنشد عنه
و تظمن عليه..

و في نهاية الدوام نزلت ساره تحت عشان تعطي الاوراق حق
الدربول يوصلها لـ بو هزاع..

ساره اترمس عمرها.. غريبه محد الدريول جي متاخر..

ملت ساره من الوقفه برع ..فكرت اتروح مكتبها تتصل به اجوف
وينه و ليش تاخر.

وصلت مكتبها.. رفعت السماعه عشان تتصل بس سمعت صوت
داخل مكتب بو هزاع..

ساره: (مستغربه)منو داخل المكتب !!

قبل لا تفتح باب مكتب بو هزاع انفتح الباب ردت لورا ..شهقت
يوم جافت ها الشاب الي من يومين جافته ..وشال بايدو اوراق.

حست ساره من نظراته انه هو بعد اتفاجأ بوجودها لانه ما علق
تم ساكت يطالعها..

ساره: انت منو سمح لك تدخل هني.

انتبه الشاب ان ساره اتكلمه..فابتسم.

ساره: انت دوم جي دمك ثجيل..و بعدين شو هالاوراق الي
بايدك..عطني يااها

الشاب: و اذا ما عطيتج ..؟؟

ساره: (رافعه سماعه التلفون) بتصل بالشرطه.

الشاب(يبتسم) اتصلي ولهت ع السجن.

انقهرت ساره من برودة اعصاب هالشاب..

ساره: ما تنلام خريج سجون.

الشاب: لالا لا و شو بعد.

ضغطت ساره ع ارقام التلفون طالعت الشاب يوم يير السماعه من
ايدها..

ردت ساره ورا خافه..

الشاب: يعني انتي السكرتيره.

ساره: ما يخصك.. اطلع من هني.

الشاب: امممم بطلع بس بعد ما بتقولين ليش مطرشه باقه ورد
حق بو هزاع.

اتفاجات ساره من سؤاله فتوقعت انه يجرب لـ بو هزاع..

الشاب: ما بتقولين..؟؟

ساره: لانه مريض طرشت له باقه ورد.. ما فيها شي.

الشاب: يعني منج انتي مب من باجي الموظفين..

ساره: انت شو الي تبا توصله بالضبط.. و من تكون اصلا..

الشاب: يلس ع كرسيها.. فحست ساره ان هالشخص يمكن يكون
ولد بو هزاع..

يتها رعشه في جسمها يوم جافته يتحرك و يدور بالكرسي..كان
يبا يحسسها ان كل شي هني ملكه..

ساره: (تهمس) انت هزاع.

الشاب: و انتي ساره .السكرتيره الصغيرونه الغاويه
الي مخليه الوالد يتعلق بشغله ..عشان يجالج طول فتره الدوام.

بعد ما ساره اتأكدت ان الاوراق الي بايدہ ماخذنها حق ابوه شلت
شنطتها و طلعت من المكتب من غير ما تلتفت وراها..

ركبت سيارتها .. و يلىست اتصيح..تذكر كلامه..يوم يقول ان بو
هزاع يشتغل عشانها..مسحت دموعها..

و قالت في خاطرها . "ما في شي يخليني اصيح..ها الانسان وقح
..و اكيد مليون فكره بياخذ عنها...

خافت ان يروغها من الشركه..لان اتعرف ان بو هزاع وايد يعز
عياله .. و اذا طلب منه ..اكيد بيروغها..

بعدين قالت لا لا ما اظن بو هزاع يسوها لانها هي اتعرف كل
شغل الشركه و مستحيل يطردها..

كل ها عشان باقة ورد خله يفكر ها التفكير ..

صبح انسان غبي..

وصلت البيت..فسخت عباتها و شيلتها .. وطاحت ع الشبريه..

دشت امها الحجره..

ام ساره: بلاج يمه..

ساره: تعبانه من الدوام..

ام ساره: قومي كلي لج لقمه..

ساره : مب مشتھيه ابا ارقد ..

ام ساره : ابرايج يمه..

ساره: وينهم العيال...

ام ساره: يطالعون فيديو.. خلاص ارقي الحينه ..

حاولت ساره .. ترقد بس مب رايمه.. كانت خايفه .. و افكارها
اتروح و اتيي .. معقوله بو هزاع بطردها

يا ربي لو طردها وين بتروح.. و كيف بتلاقي وظيفه الا بواسطه
او تتريا سنين..

كيف بتصرف ع امها و ع عيال اختها..

غمضت عيونها.. انتهت تتمنى لو ما التقت بها الانسان موليه..

بس بعد ما بتغير شي .. ع باله بو هزاع متولع بالسكرتيره .. ما
يعرف ان علاقتها ف بو هزاع شرارت الاب و بنته ..

بس منو يفهمه .. اخيرا رقدت ساره .. بس في داخلها خوف كبير
من الايام اليايه الي تهدد وظيفتها.

الجزء الثالث ..

ارتاحت ساره يوم رجع بو هزاع الدوام .. ع الاقل ما قامت اتجوف
هزاع .. الا نادرا ..

كانت اتحس انه ابي الشركه من فتره لفتره .. عشان يراقب
تحركاتها مع بو هزاع ..

الحين عرفت ساره ان هزاع خايف من انها تزوج ابوه..طبعا
عشان الشركه و المال الي يملكه بو هزاع..بس هي دوم تعتبر بو
هزاع شرارت ابوها..حتى هو يعتبرها شرارت بناته..حصه و
خلود..

في الايام الاخيره زادت زيارات هزاع لشركه ..عرفت انه عنده
شهادة ادارة اعمال خذها من الولايات الامريكيه..وعشان جي كل
فتره يمر الشركه يكسب خبرة بو هزاع..

لاحظت ساره ان هزاع قام يطنشها من بعد ما داوم بو هزاع
..حتى ما قام يرمسها الا اذا يبا شي ضروري..

و ها الشي مخلي ساره مرتاحه

و في يوم دشت ساره لـ بو هزاع..

ساره: الشيخ وصلتك رساله مهمه تتريها من زمان.

بو هزاع: (يضحك) من متى صرت شيخ.

ساره: احم من عرفت الشيخه ساره..

ضحك بو هزاع بصوت عالي..بو هزاع يطالع الباب الي انفتح..

بو هزاع: _ تعال هزاع اسمع ساره شو اتقول.

نزلت ساره عيونها بالارض يوم جافت هزاع يطالعها غيير..

ما عرفت شو هاي النظرات عتاب ولا لوم ولا شوو

هزاع: (يبوس راس ابوه) :-شمالك الوالد.

بو هزاع: الله يسلمك يا ولدي.

ارتبكت ساره يوم هزاع جابلها فقالت.

ساره:- بو هزاع هاي الرساله..اسمجلي عندي شغل.

بو هزاع: (يضحك) مشكوره يا الشيخه..(وخذ الرساله)

حست ساره بعد ما قال بو هزاع هاي الجملة..ان هزاع بجتلها
بنظراته..كلها عداء و حقد..فحاولت تهرب من هاي النظرات
..فطلعت ابسرعه برع المكتب..

يلست ع مكتبها تتنهد .. "اوف هالعله من وين طلع بكمل ثلاث
سنوات بالشركه و ما قد جفته ألا الحين من وين طلع.مب رايمه
اخذ راحتي في الشغل..."

يلست تشغل عمرها بالاوراق الي عندها و مرات بالكمبيوتر و
احيانا اترد ع الاتصالات..

كانت تتمنى انها ما تدخل مكتب بو هزاع دام هزاع موجود
داخله..

رفعت راسها يوم سمعت صوت هزاع يقولها.

هزاع(يتطنز) ها الشيخه ان شا الله مرتاحه بالشغل.

مسكت ساره اعصابها ..وحاولت اطنشه..اضايجت يوم اقدم و
يلس مجابلتها.

ساره رفعت راسها اطلعه ..

هزاع: انتي وايد ذكيه.

ساره: (تقهره) اكيد ولا ما وصلت من موظفه عاديه لسكرتيرة المدير.

هزاع: (ابرود اعصاب) عشان جي صرتي شيخه بنظر الوالد.

استفزت كلماته ساره ..كانت تبا اتصارخ عليه و اتروغه من المكتب بس خافت كل ها بنجلب ضدها.

ساره: لو سمحت عندي شغل.ممكن.

هزاع: (يبتسم) غريبه تشتغلين بضمير...لازم عشان تكبرين بنظر عيون الوالد ترا الجمال و اللسان ما يكفي صح.

ساره: (من بين اسنانه) انت قليل ادب.

هزاع(واقف) : _أنا اقدر اروغج من الشركه ع هالكلمتين بس صدقيني مب الحين فالوقت المناسب ..

بعدني ابا اتابع لعبتج الحلوه.. عشان اعرف انهيهما بطريقه
حلوه..

طالعه ساره يوم طلع من المكتب.. حست بخوف كبير في
داخلها.. فكرت اتخير بو هزاع عن كل شي ..بس يمكن ما
يصدقها..

و في طريق البيت ..كانت اتفكر كيف اتخط حد بينها و بين
هزاع.. باجر اذا هزاع مسك الشركه اكيد ببهدلها

قررت انها اتقدم ع وظائف ..وبمجرد ما تطلع لها وظيفه زينه و
راتب ممتاز ..اتقدم استقالته..

وصلت البيت ..حاولت تشغل بالها..وما كانت تبا اتفكر برمست
هزاع الي ترفع لها الضغط..

يلست تلعب مع حمودي و عبادي و فتون..

عبادي: ودينا البحر خالوه.

ساره: اووه مالي نفس اطلع مكان ..باجر حبيبي.

عبادي: لا اليوووووم.

حمودي: ودينا الالعاب.

فتون: ماما انا ابا اروح الالعاب.

ساره: انتوا شفيكم اليوم.. اقولكم ما بطلع .. ماشي طلعه.

عبادي: عيل انا ما احبج حتى فتون و حمودي.

يلست ساره تضحك ع رمست عبادي ..كم تسوا اليلسه مع ها اليهال ..و الله لولا الحاجه ..جان ما اشتغلت ..ولا سمعت كلام ايب لها عوار الراس.

ساره: انزين باجر باخذكم الالعاب..

مسكت ايد عبادي و حطتها ع يبهتها .

ساره: جوف انا مسخنه ما اقدر اطلع مكان اليوم.

حمودي: عيل باجر ودينا..

فتون: نلعب وايـد.

ساره: "تضحك" بنلعب وايـد.

نوبا: ماما انت ما في يجيب رساله مال انا.

ساره: بلاج انتي العله الثانيه ..انزين بيبيها باجر.

نوبا: حرام ماما انا من زمان ما يقرا رساله حق اهل مال انا.

ساره: خلاص بسير اجوف بالبريد مالي..

ساره(اترمس اليهال) شو راكـم اخـذكـم معاي انجوف اذا نوبا
عندها رساله ولا.

تموا اليهال مستانسـين و يصارخون لانهم بطلعون مكان..

ساره: ها بس محد يقول خالوه ابا ها و مري هني..تراني ما اروم.

عبادي: ما بنقول..والله.

تحركت ساره بالسياره..ومعاها اليهال ..عشان اتمر البريد..اتجوف اذا شي رسايل حق نوبا او لا..

فتحت شنطتها ادور المفتاح ما لفته..اتذكرت انها غيرت رقم بريدها و استلمت مفتاح يديد..بس ما تذكر وين خطته..

عبادي:خالوه من زمان انتي حطيتي مفتاح هني.

ساره: وين.....؟؟

حمودي:داخل هني بالسده يوم سرنا البحر صح عبادي..

ساره : (اتبوس حمودي و عبادي):- شطار حبايبي.

فتحت السده و طلعت المفتاح..

نزلت من السيارة..حاولت تفتح الصندوق بس ما رامت..جربت مره و مرتين بعد ما قدرت..

ساره: شو معطيني مفتاح بالغلط..؟؟معقوله !!

بعد محاولات ..ملت ساره..وفكرت ترجع البيت..وقررت اتدور حل بعدين..

اول مره ساره اتروح الدوام و هي مضايجه..ما تبا اجابل هزاع..

مر هاليوم ع ساره ..ابراحه لان هزاع ما شرف اليوم..

بس كان بخاطرها اتعرف ليش ما يـااه..

بس اليوم الثاني ..كانت في عالم فتون اتلاعب اليهال مثل ما وعدتهم البارحه..

سارت تشتري لهم ايس كريم..كانت واقفه تتريا الايس الكريم الي طلبته لليهال..

طالعت الناس الياالسين ع الطاولات ..اتمنت اتكون لها صديقه
..جي تطلع معها..وتشكي لها همها..

هي عندها صديقات في الدوام ..بس كانت تبا صداقه قويه..بس
للاسف شغلها و تربية عيال اختها..خذ وقتها كله.

صدت للصوت الي كان يضحك بصوت عالي..جافت هزاع يالس
مع ثلاث من ربعه..طالعها ،،فرغ حواجه مستغرب من وجود
ساره ..

ساره(جنها جافت يني) : ياالله بسرعه وين الاليس كريم.
سنه اووف.

راعي الاليس الكريم: ماما زهمه ما يجوف.

ساره: زين خلص..

خذت الاليس كريم ..ابسرعه قبل لا ايي هزاع و يسولف معها..و
سارت ابسرعه صوب الالعب..

زقرت نوفا و اليهال..يلسوا ع الطاولات عطتهم الاليس كريم ..و
يلسوا..ياكلون الاليس كريم..اما هي فكرت تشرب ماي بس.

ساره:- ابسرعه كلو اا عشان انسير البيت.

عبادي: ما لعبنا.

ساره: انت ما تشبع لعبان...يلا ثاني مره ما بيببكم.تراا

حمودي:شو ها خالوه ما لعبنا شي

حست ساره انها تحرم اليهال من اللعب بس عشان خوفها من
هزاع لا ابي و يرمسها عشان يغثها ..

بس كانت اظمن نفسها""لا مستحيل بيجوفيني من بين كل ها
العالم""

بعد ساعه من اللعب ..كانت اتركب اليهال في السياره..
فتحت باب سيارتها و قبل لا تيلس التفقت لصوت الي كان
يسالها..

هزاع:- عيال منو هذيل.

ساره مب عارفه باي اسلوب اترمه..

ساره(تطنز) الييران.

هزاع:- ع بالي ارمه ولا مطلقه بس يوم جفت اوراق طلعتي
انسه و توج 24 سنه.

ساره: (مخرجه) منو سمح لك ادور معلومات عني.

هزاع: (رافع حاجب واحد) باجر بتكونين السكرتيره ماليه.. لازم
اعرف عنج كل شي.

ساره (تبتسم) ساعتها اشتغل بمكان ثاني.. انا مستحيل اشتغل
عندك.

هزاع: تراج تشتغلين عندي ..ماشي فرق بيني و بين الوالد.

ساره: فرق السما و الارض.

هزاع (يطالع يمين و شمال و متكي ذراعه ع باب سياره ساره
المفتوح..وبعدين يساير ساره)

هزاع (يبتسم) انزين شو رايج بوفر عليج وقت ترا الوالد شيبه و
عنده عيال اكبر عنج..و بعمرج..

انا بعدني شباب و مناسب لج ..بعطيح كل الي تبينه..بس
تزوجيني شو رايج..

استوعبت ساره كل كلمه قالها هزاع..و حست ان كلماته هزت كل
جسمها و خلاها ترتجف من الغيظ و العصبية..

ساره: (تتنفس بصعوبه) تبا اتعرف رايي.

هزاع (يبتسم) يا ليت.

رفعت ساره شنطتها و كفخته بويهه..بكل قوتها..حط هزاع ايده ع
خده مب متوقع الضربه..

ركبت سيارتها ابسرعه ..وقفلت الابواب ..كانوا اليهال يلعبون و
يصارخون في السياره بس بعد ..الموقف الي صار تموا ساكتين
مستغربين ..

حطت ساره راسها ع السكان..تاخذ نفسها ..وسمعت هزاع يدق
ع دريشه السياره،..

هزاع:":امحطي ايده ع خده"نزلي الدريشه اقولج..؟؟

ردت ساره بسيارتها لورا..من غير ما اطالعه او تهتم بكلامه..مب
مستعده تسمع كلام غيره..

شو يتحرا عمره بنات الناس لعبه بايدو..ما توقعت ان هالانسان
الي يجوفه يقول ريال و النعم فيه..بس كلامه.. شرارت سم الافعى..

كانت دموعها تنزل ع خدودها..بها الوقت تمننت اتكون ابروحها
..عشان تاخذ راحتها..ما حبت اتصيح حذال عيال اختها..

لانهم خافوا من الي صار و تموا ساكتين لي ما وصلوا البيت..

الجزء الرابع

في اليوم الثاني قررت ساره انها اتخبر بو هزاع كل شي..
ابتسمت يوم اذكرت كيف ضربت هزاع..يستاهل..

و ضحكت..يوم اليهال اول ما دشوا البيت يتراكضون لامها
عشان يقولنها ان خالتهم ضربت ريال..

طلعت مليون رمسه و عذر رد ع اسئلة امها..طالعت الساعه
جافت الساعه..تسع وشي ..

قالت اترمس عمرها" غريبه بو هزاع تأخر..بعد ما اتصل عشان
يقولها انه بتأخر.."

يلست ساره اتحتاتي يوم طافت ساعتين و بو هزاع ما ياه الدوام..

اتصلت ع موباييله..جافته مغلق ..فكرت ادق البيت بس خافت لـ
هزاع يرد ع التلفون..

اخيرا خطر ع بالها اترمس دريول بو هزاع ..اكيـد هو يعرف .

ساره: الوو.

الدريول: سلامو عليكم.

ساره: عليكم السلام.. هلا سيد.

الدريول: منو كلام..

ساره: سيد وين بابا هزاع.

الدريول: بابا هزاع في مستشفى امس قليل يروح ..وايد تعبان..

ساره(خافه) : ليش شو صار له..؟؟

الدریول: قلب مال هو عور.

ساره: يوم هزاع موجود عنده في البيت كيف بتحمل غلاسته اكيد
بيصير فيه شي.

الدریول: شو كلام مدام؟

ساره: ماشي بای مستشفی .. اوکی بای.

اتريت ساره لي ما خلص الدوام.. و بقت لها كم شغله.. بس طلبت
من محمد مساعدھا ان يكمل عنها..

و في السياره اتصلت لامھا..

ساره: امايه انا بتأخر شويه..؟

ام ساره: خير عسی ما شر.

ساره: بو هزاع تعبان شويه بسیر اجوفه.. و اتطمئن عليه في
المستشفی.

ام ساره: الله يحفظه لا تتأخرين يمه.

ساره: ان شا الله مع السلامه.

ام ساره: فمان الله..

بعد ربع ساعه وصلت ساره المستشفى..وصلت الدور
الثالث...سارت ادور ع رقم غرفة بو هزاع..دقت الباب..
فتحت الباب..شويه شويه..

اتفاجأت يوم جافت الغرفة فاضيه..حست بقلبها ينقبض من
الخوف..

طلعت ابسرعه من الحجره..وسارت صوب

الممرضه..تسالها عن بو هزاع..فعرفت انه في العنايه و انه
تعب الصبح..وايد..

نزلت دموع من عيون ساره ..خافت انها خلاص ما بتجوف بو
هزاع..بس الممرضه حضنتها ..و طمنتها انه بيكون بخير ..بس
ما يبون حد يرمسه و يبونه يرتاح..

دلته الممرضه قسم العنايه بالقلب..وسارت هناك..حاولت تدخل
بس ما خلوها..تمت يالسه ع الكرسي ...الي مجابل الغرفه..

وقفت يوم انفتح باب الغرفه .. وجافت هزاع طالع ..منها..طالعه
و يلس يطالعهها..

حست ساره ان الحزن امبين في عيونه..يلست تتأمل ويهه اتمنت
انه اتخفف عنه لانها حاسه بشو داخله لانها مرت بها المرحله
..ايام ما كان ابوها تعبان ..بالقلب..

طالعت كدمه زرقه معلمه ع خده مكان ما ضربته البارحه..قالت
في خاطرها "ول هالدرجه كانت الضربه قويه دواك.."

اجدم منها هزاع..كانت تتوقع ساره انه بتغير بس ذيل الجلب يتم
طول عمره عوي.

هزاع: (يهمس) انتي شو تسوين هني؟؟

ساره: اتظمن ع بو هزاع.

هزاع: منو امرج اتين ترا الوالد مب محتاينج بشيء.

ساره: ادري بس انت ما اتعرف غلاوة بو هزاع عندي.

مد هزاع ايده عشان يمسك ساره من ذراعها ..بس ساره ردت لورا.

ساره: لا اتحط ايدك علي.

هزاع(يتطنز) خايفه اوصخج..؟

ساره: مافي داعي لها الكلام ..انا بيت اتظمن على بو هزاع و برجع البيت ..فلو سمحت خلني اجوفه.

نزلت ساره عيونها بلارض مستحيه..يوم يلس هزاع يطالع ويها فقالت في قلبها"ها وقته"

هزاع: اسف.. علاقتج بالوالد بالشركه بس ما ابا تتعدى حدودها.

ساره: (تترجاه) بس بطالعه ما برمس صدقتي.

هزاع: قلتج اسف ..و من باجر انا بيبي اداوم بالشركه عن ابوي.

ساره: لا انا ما اباك اكون هناك.

هزاع(يتطنز) لا والله شو رايج انزين تتنقين منو بيكون المدير ..لي ما يرجع الوالد بالسلامه.

ساره: انا ما اقصد جي.

هزاع: مب مهم رايج ولا قصدج.. انا عارف انتي اكثر وحده اتعرف بالشركه..بكل صغيره و كبيره عشان جي ما اقدر افرط فيج..

ساره: انا بقدم استقالتني.

هزاع: فالج طيب بس مب الحين..باجر بنتلاقي في الشركه..(حط ايده ع خده مكان الكدمه) وهاي لها حساب ثاني.

ساره: اتمنى انك اتوصل سلامي لابو هزاع.

تحركت ساره من غير ما تتريا رد هزاع..دشت سيارتها ..و
يلست اتصيح ابصوت عالي..

حست ان الدنيا ضايجه فيها مب عارفه كيف تتصرف ..بعد ما
بتصير تحت سيطرت هزاع..اشكتر قاسي هالانسان ..منعها من
جوفه بو هزاع..

ليته ايعرف بو هزاع شو سوا لها ..عشان تحترمه و اقل شي
اتسويه هاي الزياره ..الي حرمها من جوفته..

دشت البيت ..ركضت لها فتون حضنتها ساره و شلتها..

فتون: ماما عبادي يقول انا ما حلوه.

ساره(تبتسم) انتي احلى وحده بالعالم.

فتون: احلى منج بعد صح.

ساره: (تضحك) انتي تشبهيني عشان جي حلوه.

فتون: لا انتي مب حلوه بس انا ..

ساره (تبوسها ع خدها) ولا تزعلين انتي بس حلوه.

دشت الصاله.. جافت امها يالسه اطالع التلفزيون .. باستها فوق راسها.

ساره: غريبه مب راقده.

ام ساره: بغيتج اتطمنين ع مدير ج.

ساره: الحمد لله ابخير.

ام ساره: الله يشفيه. احط لج الغدا.

ساره: تغذيت ف الدوام.

سارت حجرتها اتغسلت و يلست ع شبريتها اتفكر شو بيصير
باجر. قالت في خاطرها "يا رب تشفي بو هزاع"

سارت تفتح درجها ادور اوراقها عشان اتقدمها في أي مكان
يناسبها.. بس لو قدمت ورقه السكرتاريه بتنفعها اكثر.. بس لازم
المدير يوقع عليها..

استبعدت ان هزاع يقدر يساعدها.. بس يمكن يبا الفكه منها
عشان عادي بيوقع.. اترددت اخيرا قررت تطلب منه ان يوقع ع
ورقه يثبت انها اشتغلت هني ثلاث سنوات .. و انها قادره ع
انجازات ومهارات وايد اتسويها..

يلست ساره اتفكر غريبه ان هزاع للحين ما تزوج.. يمكن عشان
دراسته في امريكا .. بس وايد عرسوا و كملوا برع..

ابتسمت و قالت ها اصلا منو بياخذه دمه ثجيل وويه لوووح

**

وفي اليوم الثاني.. ساره تتريق ..

ام ساره: ساره قبل لا اتروحين الدوام ..وصل عبادي و حمودي
المدرسه سار عنهم الباص.

ساره: جي ناشين من الرقاد متأخرين.

ام ساره: ها حمودي تأخر مدري طالع ع منو كسلان.

ضحك ساره ع شكل عبادي و حمودي ..ساكتين مالهم نفس
يرمسون من صباح الله خير..

ساره: ياالله قوموا بتأخر عن الدوام بسببكم.منو يسوي لي
المصايب غيركم.

ام ساره: (تضحك) يحليلهم حرام عليج سارووه.

طالعت ساره ساعتها .."اويه اول مره بحياتي اتأخر عشر
دقايق."

نزلت من سيارتها.. و راحت مكتبها..دشت ..فجافت هزاع
واقف عند باب مكتبه..و محمد المساعد مالها واقف حذال
مكتبها يطبع اوراق..

هزاع "يطالع ساعته": تو الناس..جان تميتي راقده.

حست ساره بالغیض بس ما قدرت اترد علیه لان محمد
موجود...طالعت محمد

هزاع: تعالي المكتب اباج..؟ "ودش مكتبه"

اجدمت ساره من مكتبها و حطت اوراقها الي تبا اتقدمها ع
وظايف ثانيه الي بايدها..

محمد: الله يعينج.

ساره: ياالله سترك.

دشت مكتب بو هزاع..جافت هزاع یرمس بالتلفون..كانت معاه
وحده ..عرفت ساره انه یرمس خلود..اخته و كانت اطمنه ع
بوهزاع..

ارتاحت ساره يوم عرفت ان بو هزاع ابخير و انه احسن من
البارحه..اتفاجات يوم سمعت هزاع یرمسها

هزاع: انتي دوم جي تتأخرين.

ساره: "منزله راسها بالارض" اول مره.

هزاع: متأكده!!! ليش عشان بو هزاع مب موجود بالمكتب يعني.

مسكت ساره اعصابها.. ما كانت تبا تتهور باي شي لي ما تضمن
وظيفتها الثانيه.

هزاع: (يستفزها) ثاني مره اذا تاخرتي بس دقيقه بتصرف
تصرف مابيعيبج. مفهوم اخت ساره.

ساره: (تهمس) مفهوم.

هزاع: ما اسمع..؟؟

ساره: مفهـوم.

هزاع: (يبتسم) الحين روجي ييبي البريد و ملفات البارحه الي ما
اشتغلنا عليها.

طلعت ساره...من مكتبها ..يلست تتنفس براحه..و قالت في
نفسها "الله يستر من ها اليوم"

ظنت ساره ان هزاع بيلس ينكد عليها طوال اليوم..بس بالعكس
كان يشتغل بجد..

حتى ساره نست انه ع خلاف معاه ..و اهتموا بالشغل اكثر من
أي شي ..

كانت اتلاحظ ساره ان هزاع يحاول يمسك عليها أي غلطه ..بس
ما لقي أي شيء
يعاتبها او يلومها عليه..

بالعكس حست انه اعجب بشغلها و قدرتها ع التعامل مع
الموظفين الي في الشركه و الي يشغلون في الشركات الثانيه الي
يتعاقدون معاها..

قالت في خاطرها "يا رب اتم جي ع طول حياتك و انت رايق يا
هزاع..""

فكرت ساره و هي يالسه ع مكتبها انه وقت امناسب عشان اتخلي
هزاع يوقع ع ورقه تثبت مهارتها كسكرتيره..

دشت مكتبه..جافته واقف عند الدريشه يطالع برع..التفت صوبها

هزاع: ما خلصنا من الاوراق بعد.

ساره: خلصنا بس هاي ورقه خاصه فيني.

هزاع(يلس ع مكتبه) : مب فاهم.؟؟!!

ساره:اباك اتوقع ع هاي الورقه تثبت مهارتي كسكرتيره.

هزاع (مستغرب) ليش؟؟

ساره: (مرتبه) عشان اقدم ع وظيفه بمكان ثاني.

تم هزاع يطالعها : عندج اوراقج كلها ..هني.؟

ساره: هي..

هزاع: ابا اجوفها مـمـكن.

ساره: اكيد ثواني بروح اييها لك.

بعد شويه .

يلس هزاع يطالع اوراقها

هزاع :ما شا الله عندج وايد شهادات وبها العمر.

استانست ساره من داخلها لانها اول مره تسمعه يمدحها من عرفته.

هزاع: ما يفوتج شي تحصيلين ع كل شي بسهولة

ساره(مستغربه) شو قصدك.....؟

هزاع : ما في مهم..

فتح درج من الادراج..وخط اوراقها داخل الدرج و قفل عليه بالمفتاح.

ساره(مستغربه): انت شو اتسوي؟؟!!

هزاع: (يدور بالكروسي) بخلي اوراقج معاي لي ما احس انج صج بتحتاجينها بعطيها لج.

ساره: مب ع كيفك عطني اوراقى.

هزاع: ما بعطيج.. ما بخليج اتقديمن ع وظيفه ثانيه عشان تهملين
شغلج هني لانج ضامنه مكان غير ها المكان.

ساره: (منفعله) ما فكرت بها الطريقه.

هزاع: ما يهمني بشو اتفكرين لانج داهيه.. وذكىه..

طالع ساعته.. اظني انتهى الدوام.. وقف شل شنطه بايدى.. وسار
صوب الباب..

هزاع(يبتسم) نتلاقى ع خير.

كانت ساره بترد عليه بس طلع و صكر الباب ..

ساره اترمس عمرها.. "انا الداهيه ولا انت يا الساحر.. غربل
الله ابليسك.."

بطلت ساره عيونها يوم سمعت ضحكت هزاع من ورا الباب
..سارت تفتح الباب ..بس طلع قبل لا اجوفها ..خمنت انه كان
يسمعها شو اتقول..

الجزء الخامس..

دشت ساره مكتب بو هزاع بعد ما دقت الباب.

ساره: شي اجتماع الساعة وحده الظهر .

هزاع: اممم ما انروم انجله ..ابا اسير عند الوالد بها الوقت.

ساره: وايد تأجل ..و بو هزاع وايد مهتم باجتماع مع هاي
الشركة.

هزاع: وين بيكون .

ساره: في قاعة هلتون..لازم اتكون موجود هناك الساعة وحده
بعد الغدا.

هزاع: يبالنا عشر دقايق لي ما نوصل.. عطيني الملف التابع لها الاجتماع.. و تزهبي الساعه وحده الا ربع.

سارة و هي طالعه من مكتب بو هزاع.. "ان شا الله يباني ارواح معاه الاجتماع.. لا بوي مستحيل.."

ردت ساره مكتب بو هزاع..

ساره: (جافت هزاع مشغول بالقرايه) لو سمحت؟

هزاع(يبتسم) امري.

ساره: تقدر تأخذ محمد معاك الاجتماع انا ما اروم ارواح.

هزاع: و ليش ان شا الله..؟؟

ساره: عندي شغل ..

هزاع(معاند) الشغل يتأجل مب توج قايله انه الوالد مهتم بها
الاجتماع.ولا خلاص يوم بو هزاع مب موجود مب لازم تثبتين
مهارتج لي..

ساره: (معصبه) انا مب مثل ما اظن.

هزاع(رجع يطالع الملف) روي مكتبج و زهبي الاوراق الخاصه
بالاجتماع..الساعه وحده الا ربع.

ساره: عطني اوراق.

هزاع: (مستغرب) أي اوراق..!!؟؟

ساره: اوراق لي قفلت عليها بالدرج.

هزاع: ما بعطيح بتروحين مكتبج ..ولا اروغج بطريقتي..اظن
اتعرفينها.

ساره..بطلت حلجها عشان اتسبه بس غيرت رايتها و طلعت من
المكتب.

ويلست ع مكتبها مضايجه شو يعني بتيرني من شعري
مثلا.. حاولت اتركز بشغلها بس ما قدرت.. ما تبا اتروح معاه
الاجتماع.. لو كان بو هزاع عادي مب تهتم..

اتنهت "متى بترجع يا بو هزاع.. الله يردك بالسلامه.."

رن التلفون الخاص بمكتب بو هزاع ..ساره "ها شو يبا الحين"

ساره: نعم ..

هزاع (يذكرها) باجي عشر دقائق و بتيي الساعه وحده الا ربع.

عضت ساره ع شفائفها الي تحت.. عرفت انه يحاول يستزفها
كانت تكرهه موت يوم يصير دمه ثجيل..

هزاع: تسمعيني .

ساره: هي سمعتك.. في شي ثاني..؟

هزاع: بناخذ معنا خمس موظفين تعالى خذي اسامهيهن من عندي
و خليهن يتزهبون بعد.

ساره(مرتاحه) ان شا الله..الحين بييك.

سارت ساره مكتب بو هزاع و بعد ما خذت الورقه الي فيها
اسامي الموظفين..سمعت هزاع يقول..

هزاع: (متسند ع الكرسي):خليهن يسرون بسياره الخاصه
بالشركه..بس انتي تعالى معاي بسيارتي.

ساره(معترضه): نعم ..شو قلت؟؟

هزاع: ليش معترضه..مب دوم تركبين مع بو هزاع..و بسيارتج
بعد..هالمره بتكون في سيارتي..

ساره: انت غير و بو هزاع غير..

هزاع(يصرخ عليها) الشغل الشغل مب ع كيفج تقررين مع
منو و كيف اتروحين.

غمضت ساره عيونها متفاجاه من ردت فعل هزاع..تحركت بتطلع
من المكتب ..بس وقفت يوم سمعت هزاع يقولها..

هزاع: بعدني ما خلصت كلامي..

تمت ساره واقفه بمكانها بس مجابله باب المكتب..مب رايمه
اطالع ويه هزاع..

هزاع: انا مب يالس ارمس الباب..

صدت ساره صوبه و منزله راسها بالارض..كانت تقاوم الدموع
الي كانت بتنزل ع خدها..

هزاع: ثاني مره اذا قارنتي من بيني و من بين بو هزاع مب
برغوج من الشركه بخليج تشتغلين من غير راتب.

ساره ساكته لانها ما تبا اتسمعه صوتها..عشان ما يعرف انها تبا
اتصيح..

هزاع: سامعه ؟؟؟؟

ساره اتهز راسها

هزاع: روهي اتصلي بالموظفين .. ماشي وقت . عن نتأخر بس..

طلعت ساره من مكتبها وزقرت محمد وطلبت منه يتصل
بالموظفين.. سارت الحمام و يلىست اتصيح.. مب من حقه يتأمر
عليها جي.. ولا من حقه يصرخ عليها شو يتحرا عمره..

طالعت ساعتها .. جافت باجي خمس دقائق ع الساعة وحده الا
ربع..

غسلت ويها.. و مسحت الروج و الكحل .. من عيونها حست
شكلها غير.. بس ما اهتمت..

طلعت من الحمام.. اتفاجات يوم جافت هزاع .. واقف حذال
مكتبها..

طنشته و سارت صوب مكتبها و شلت الاوراق بايدها و حطتها
بالفايل.. كانت اتعرف أن هزاع يراقب حركاتها..

و في السيارة تمت ساكته..حتى هزاع ما رمس موليه..

رن موباليه..من كلامه عرفت ساره..ان وحده من خواته اترمسه
و تبا يروح المستشفى للوالد بعد الاجتماع..

دشوا قاعة الاجتماعات..استغربت..ساره من اسلوب هزاع في
الرمسه مع اصحاب الشركه الثانيه..

عمرها ما توقعت يكون عنده اسلوب وكلام محترم..حتى طريقته
في الاقناع كانت وايد ممتازه..

قالت ساره في خاطرها" عيل بلاك تعاملني جي..جنك واحد ما
اتعرف السنع ولا الادب.."

بعد ساعتين انتهى الاجتماع..و عند السيارة..

ساره: انا بسير ويا باجي الموظفين.

هزاع :-ليش..؟؟

ساره: انت بتروح المستشفى الحينه..يعني طريقك غير .. عن طريق الشركه.

هزاع: (يفتح باب السيارة) اركبي اركبي الوالد يبا يجوفج..؟

ركبت ساره السيارة..الحين عرفت ليش هزاع تم ساكت لانه تضايح يوم عرف ان بو هزاع يبا يجوفها..

وصلوا المستشفى بعد عشر دقائق..

استانست ساره يوم عرفت ان بو هزاع مب في العنايه.

فتح هزاع باب الحجرة وقفت ساره بمكانها..

هزاع: ليش وقفتي تعالي دشي.

ساره مستغربه من تغير معاملة هزاع لها..من ركبت معاه السيارة ما يرمس معاها ..واذا اتكلم..كلمه او كلمتين و كان يرمسها بهدوء..

دخلت ساره الغرفه و جافت بو هزاع يتها الصيحه بس يودت
عمرها..اجدم هزاع و باس راس ابوه..

هزاع: ها اشحالك الحين احسن..؟

بو هزاع: الحمدلله ابخير ..تعالى ساره ليش واقفه بعيد..

ساره: اشحالك بو هزاع ..ان شا الله احسن..؟

بو هزاع: بخير يا بنيتي شحال الشغل وياج..عسى هزاع مب
متعبنج.

ساره(اطالع هزاع) لا الحمدلله الشغل ماشي اوكي بس ناقصنك.

بو هزاع: (يبتسم) خلاص يبا الحين وقت راحتى هزاع بمسك
الشغل عنى..بس لا تخافين وصيته عليج.

ساره (مستغربه) يعنى ما بجوفك ف الشركه.

بو هزاع: البركه ف هزاع بزوركم من وقت لوقت.

ساره: بس انا....

وقف بها اللحظة هزاع ..

هزاع: يا الله يبا بوصل ساره ..وبرجع لك.(يطالع ساره) ترا
الدكتور قال ممنوع الكلام.

بو هزاع: كنت ابا اعرف شو سويت في الاجتماع.

هزاع: كل الي بغيته من هاي الشركه سويته لك..و ان شا الله يوم
بترجع البيت ..برويك كل الملفات..الحين ارتاح ولا اتفكر الا
بصحتك.

ساره: ما اتجوف شر بو هزاع..فمان الله..

بو هزاع: الله يحفظج بنيتي.

و في السياره..استغربت ساره من الطريق الي ساير فيه هزاع
غير طريق الشركه.

ساره: (خافه) وين رايج.

هزاع: بمر ع مطعم بتغدى ميت يوع.

ساره: انا ما ابا اكل شي .

هزاع: ابرايج تمي طالعيني انا يوعان ..

ساره: انزين وصلني الشركه و بعدين روح أي مطعم تباه.

هزاع(يطالع الشارع) مب تكسي عندج انا..ادريج ميته يوع
بس خافه مني.

ساره: ما اتخوفني.

هزاع(يبتسم) ترا اليوم الي صار ف المكتب اكد لي انج موليه ما
اتخافين مني.

ساره: انا بحياتي محد صارخ علي لا ابويه الله يرحمه ولا
امايه..ولا بو هزاع.

هزاع: عادي اتوعدي ع صراخي..بعيبج.

صدت ساره صوب الدريشه اطالع برع ..كانت اتفكر هالانسان من
شو مخلوق .. عفان الله ما يحس ما عنده ذرة احساس..

وصلوا المطعم ..في البدايه ما رضت ساره تنزل من السياره بس
هزاع هدها يسحبها غصب..فاشترطت عليه ان تتغدى ع
حسابها..بعد ما وافق نزلت من السياره..

يلسوا ع الطاولة في الزاويه..طلعت موبايلها اترمس
امها..وهزاع يلس يطلب الغدا.

ساره: امايه..اشحالج الغاليه.

ام ساره: الحمد لله عيال اختج مخبلين فيني.

ساره(تضحك) قوليهم يليسون زين ترا ما باخذهم الالعاب...المهم
امايه انا بتأخر دقايق بس.

ام ساره: ليش شو عندج.

ساره: اجتماع في الشركه.

ام ساره: ع خير شحاله بو هزاع.

ساره : الحمد لله ابخير توني مریت علیه .

ام ساره: انزين عيل الله يحفظج.

ساره: ويحفظج الغاليه.

هزاع يالس يسمع كل كلمه اتقولها ساره...وبمجرد ما صكرت
ساره التلفون.

هزاع: امج اتعرف انج امخططه اتقردين بو هزاع.

ساره: (من بين اسنانه) احترم نفسك ..ترا و الله الشارع متروس
تكاسي.

هزاع: ليش معصبه استغربت انها سالت عن الوالد.

ساره: فيها الخير و بو هزاع يستاهل كل الناس اتحبه..مب..

هزاع(مقاطعتها) مليون مره قلتلج لا اتقارنيني في الوالد انتي ما تفهمين؟

ساره: عيل ثمن كلامك

هزاع (مغير الموضوع) منو ها اليها الي عندج...؟

ساره: عيال اختي.

هزاع: الظاهر وايد متعلقين فيج..كل مكان اجوفج فيه لازم يكونون معاج..وين امهم.

ساره : (منزله عيونها) متوفيه.

هزاع(متفاجأ) الله يرحمها.

وصل الاكل و يلسوا ياكلون في البدايه كانت ساره مستحيه ..بس
بعدين طنشت..ويلست تأكل..

هزاع: اتعرفين ان شكلج وايد حلو من غير مكياج.

ساره: اونه

هزاع: و الله احسج انسانه غير بدون مكياج لا اتحطين مكياج
مره ثانيه.

ساره: نزل قرار و ما بحط .

هزاع: تطنزين...

ساره: لا اسولف.

هزاع(يضحك) ابا اسوي فيج شي بس مب الحين.

ساره(وقفت عن الاكل):- شو بتفنشني.

هزاع: لا وين راح فـكـرج..

ساره: عيل شو؟؟

هزاع: مب الحين بعدين.

ساره في قلبها "يا حلاتك و انت رايق "

هزاع: "رافع حواجه" ليش اطلعيني جي..؟؟

ساره (نزلت راسها) لا ماشي..؟؟

هزاع: كم عندها عيال اختج..؟؟

ساره(مستغربه من سؤاله) عبادي و حمود توم و فتون..

هزاع: وين ابوهم..؟؟

ساره: اتوفى بحادث بسيارته و اختي كانت معاه.

هزاع: هاا عشان جي هم الحين عندكم.

ساره: هي ترا ابوهم ما كان يشتغل .. و انا ابوي متوفي .. و راتب الشؤن مال امايه ما يكفيننا .. عشان جي انا الحين اشتغل .. و اخاف باي وقت اترو غني .. جوف لو رغتني بتقطع رزقي .. و رزق ايتام .. تحمل .. ترا.

هزاع: (باين عليه متأثر) اتعرفين ما توقعت ان بكون ها السبب الي يخليج متعلقه في الشغل.

ساره (تتنهد) انا الضحيه لازم اعمل عايلتي امايه حرمة عوده
ما اتروم ع الشغل.

سكت هزاع يفكر شويه.. انتبهت ساره انها اتكلمت وايد.. و ما
كان لازم تحكي كل شي لـ هزاع..

بس جافت انها ما غلظت عشان ما يفكر يروغها..

هزاع: انتي صج ضحيه..

ساره (تبتسم) لا تشفق على حالي.

هزاع: لا طبعا الوحيد الي يستاهل اني اشفق عليه.. هو الوالد
الضحيه الثانيه.

وقفت ساره محرجه من كلام هزاع.. شلت شنطتها و طلعت برع
المطعم..

وقفت ع الشارع ادور تكسي.. دقائق وسمعت صوت هزاع من
وراها.

هزاع: (يأمرها) تعالي اركبي السياره..

ساره (اطالعه) ما بركب بسير بتكسي..

هزاع: ابروحج..؟؟

ساره: هي التكسي غريب عني و انت بعد غريب..

هزاع: "يطالع يمين و يسار" انزين اركبي و بعدين كملي
رمستج.

ساره(اتروح بعيد عنه) قلتلك ما بركب و بخلي بوهزاع يجوف
حل معاك ..

هزاع:- "ابرود اعصاب" ترا بشلج و الله.

ساره: تتحرا عمرك يالس بامريكا.

هزاع: يبتسم "عادي عندي لكن الرمسه بتييج انتي.؟

ساره(منفعله) يا برودة اعصابك.

هزاع: بعد للعشره اذا ما ركبتى السياره بشلج و الله.

بدا هزاع يعد..ساره اطالعه ها من صجه ولا يسولف..
سارت صوب السياره ..وركبت..

ركب هزاع السياره..فتح السده وطلع زقاير ..استغربت ساره اول
مره اتجوف هزاع يشرب زقاير..

طول الطريق يلس يشرب زقاير ..من غير ما يتكلم..وساره كانت
الافكار تاخذها و اتيبها..شو ها الانسان الغريب..

اول مره اتجوف واحد يشرب زقاير ويكون بارد في مواقف
حرجه..

وقف هزاع سيارته جريب من سياره ساره..
هزاع: خلي الفايل ف السياره..

كانت ساره بتنزل من السياره بس التفتت صوب هزاع يوم قال
اياني و اياج ترمسين حذال الوالد بشي يضايجه..

ساره: وبعد تبا شي..؟؟

هزاع(يطالع شنطتها) طلعي موبايلاج.

ساره مستغربه ..

هزاع: طلعيه شويه بس.حتى مفتاح سيارتج ابا اجوف شكله..

طلعت ساره موبايلاها و مفتاح سيارتها..اتروعت يوم هزاع يير
شنطتها.

ساره[مستغربه) شو اتسوي..؟؟

هزاع: يالله روي سيارتج.

ساره: وشنطتي.

هزاع: من ساعه في المطعم قلت لج ابا اسوي لج شي و سويته..

ساره: شو بلاك انت صاحي.

هزاع: لا تخبلت يوم يتني كفحه بهاي الشنطه ع خدي.

الحين ساره فهمت كل شي قصده ينتقم منها..

ساره: شنطتي فيها اشياء مهمه.

هزاع: وقت ما ابا بردها لج يالله انزلي من السياره ولا بتحرك
باخذج معاي البيت.

ساره(نازله من السياره) انت ميينون..

وصكرت باب السياره بقوه..

**

الجزء السادس..

يلست ساره في حجرتها اتفكر..بلي صار اليوم..مرات تضحك يوم
تذكر كلامها ل هزاع..و احينا تتنرفز ليش ما ردت عليه..

اتذکرت شنطتها.. ما خطر ع بالها انه ناوي ينتقم منها.. لانها نست
السالفه .. ابتسمت يوم تذکرت ان المصفوع عمره ما ينسی..

انزین شو بیسوي في الشنطه... یمكن بیخلیها معاه.. اویه یمكن
یحبها و یبا یتذکرها بالشنطه یلست تضحك مستانسه ع افکارها..

دشت علیها فتون الحجره.

فتون: ماما شو اتسوین.

ساره: افکر باشیاء سخیفه.

فتون: شو اتقولین..؟

ساره (تضحك) تعالی اشتببین. انتو ما اتییون الا تبون طلعه من
البيت.

فتون (شویه وبتصیح) ضربنی حمودی.

ساره: وین ضربج.

فتون (ترویها ایدها) منی یعورنی.

ساره: روجي قوليله ما بطلعك معاى.

ركضت فتون برع الحجره..

يلست ساره ادندن و تغني..ما اتعرف ليش هي مستانساه..اليوم..

فكرت تطلع برع ..اطلع اليهال معاها..يلسوا يتمشون في
الشارع..ومرت الدكان وشرت لهم..اكل..

يلسوا يضحكون و يلعبون..

وردوا البيت في وقت متأخر..

فكرت ادق لـ بو هزاع تظمن عليه..جافت الساعه بعدها 8
العشى..

رن الموبايل...كانت مغمضه عيونها..فتحت عيونها يوم سمعت
صوت هزاع ايرد ع الموبايل..

صكرت ساره التلفون ع طول ..من غير تفكير..

ابيه شو سویت انا.. عادي ما يعرف رقم موبایلي ..يمكن بو هزاع
مخزننه عنده اکیـــــد..بس هو لیش رد ع الموبایل..

استغربت ساره انه ما رجع یدق مره ثانيه..بس حست بالراحه
عشان ما يسوي لها سالفه..

حاولت ترقد بس ما قدرت کانت اتفکر ب هزاع..و شو بیصیر لها
باجر معاه.

وفي اليوم الثاني..مشت الامور کالعاده..لان هزاع اليوم مب
موجود..

ما کانت اتعرف ساره اذا مرتاحه ع انه موجود او مفتقده
ضرابتها معاه..

اتفاجات يوم جافت الساعه 11 وهزاع داش المكتب وقفت بس
طنشها اتوقعت انه یفکر بشي و یمكن ما انتبه لوجودها

دشت وراه المكتب..

هزاع: حق شو داقه البارحه؟

ساره(مب متوقعه سؤاله) اتظمن ع بوهزاع.

هزاع: ليش شو تبين فيه..مب البارحه زيارتينه بالمستشفى.

ساره: حبيت اعرف اخباره.

هزاع(منفعل) الحين انا مديرج و بوهزاع خلاص يعني ما في داعي للاتصالات كان يجمعكم الشغل و الحين هو ما يشتغل ..فهمتي قصدي.

ساره: (بصوت متردد) الي بيني و بين بوهزاع اكثر من شغل.

رجعت ورا ساره خايفه يوم جافت هزاع محرج ووقف بمكانه.

هزاع:وضحي لي كيف يعني اكثر من شغل.

ساره: انا اعتبر بو هزاع شرارت الوالد الله يرحمه.

هزاع(يصرخ عليها) ابوج مات و بو هزاع له ثلاث عيال بس.

نزلت ساره راسها بالارض كانت بتطلع من المكتب بس وقفها هزاع.

هزاع"رافع مفتاح"من وين لج ها.

ساره"تهمس"شو ها.

هزاع:تستهيلين من وين لج مفتاح بريدي.كيف وصل شنطتج.

ساره(مستغربه) ما ادري.

هزاع:- لا والله عيل منو يدري . "يتطنز"شرايج نسال المفتاح يمكن يرد علينا.

عضت ساره ع شفايفها محرجه ما اتعرف تطلع من المكتب وتقدم استقالتها ..ولا شو اتسوي.

هزاع: ع بالج شي اوراق مهمه تقدرين توصلين لها في صندوق بريدي ولا شي بيزات.

ساره "تذكر انها حاولت تفتح صندوق بريدها بس ما قدرت هاك
اليوم يعني ها مفتاح هزاع بس كيف وصل عندها"

هزاع: وايد اتحبين البيزات.

ساره (تصيح) انا ما اعرف كيف وصل مفتاحك عندي.
هزاع:- امسحي دموعج وعن ها حركات الممثلين ترا ابد ما
تعيبني.

ساره: يالله كيف اخليك اتصدقني.

هزاع:- ع بالج انا بو هزاع يصدقج .. لا الشيخه انا هزاع..

ساره: (تاخذ نفس) انا عندي شغل تبا شي..

هزاع يطالعها نزلت ساره راسها حست انه يدور شي في بلامح
ويها يبا يقرا او يصدقها ..بس هزاع موليه ماخذ عنها فكره
سيئه..

هزاع(بصوت خفيف) لو مب خايف ع صحة الوالد ومب موصيني
عليج..كنت من زمان رغتج من الشركه.

ساره"بنفس نبرة صوت هزاع"لو مب الحاجه كنت من زمان
قدمت استقالتني..

هزاع"يبتسم" عشان جي تحولتي استغلاليه وسراقه..صح؟؟

طلعت من مكتبه من غير ما اترد عليه..حاولت تكتم مشاعرها و
احساسها بالضيق و الهم ..بس ما قدرت حست الدنيا ضايجه بها.

ما اتعرف كيف تتصرف بو هزاع الوحيد بيساعدها ..بس هزاع
امسكر كل الطرق بويهها..

اتنهدت ..كانت كل وقت اتجوف الساعه عشان تفتك ..من ها
المكان ..كانت تتريا متى يخلص الدوام..

اخيرا وقفت اتشل اغراضها عشان تطلع من المكتب ..طلع
هزاع..وقفت اتشل شنطتها عشان تطلع وراه..

هزاع:- خذي هالملف..انسخيه.

ساره: "اطالع الساعة" ماشي وقت..بس ما عليه الطباعه ما
تاخذ وقت.

هزاع"يفر الفايل ع المكتب" قلت انسخيه بخط ايدج مرتين ..لا
تظهرين من المكتب لا بعد ما اتخلصين شغلج.

طلع من المكتب من غير ما يتريا ردها..يلست ع كرسيها
متنهده..حست انه كان يرمسها من طرف خشمه..كانه مشمنز
منها..

اتصلت بامها اتخبرها انها بتتاخر حالي ساعه..

فتحت الملف وجافت حوالي خمسين ورقه..قالت اترمس
عمرها.."ابييه اشكتر كم بكتب متى بخلص ما اقدر
وايد.."

عرفت ساره ان هزاع اتعمد يخليها تنسخ الملف ..عشان يعاقبها
ع سالفه المفتاح..

يلست تكتب من غير ما اتحس بعمرها ..رن موبايلها..

ساره: الووو

ام ساره: وينج يمه طاقت 3 ساعات..

ساره: و الله ما حسيت بالوقت... امايه باجي لي شويه وبخلص ما يهمج..

ام ساره: يا الله نترياج...

حست ساره بتعب من اليلسه ..يلست اتصيح بصوت عالي
..حست انها وحيده بها العالم ..كانت تكتب شويه و تمسح
دموعها شويه..

بها اللحظة بس عرفت ان الدنيا اشكتر قاسيه عليها..محملتها
فوق طاقتها..و الظروف طرشت لها هزاع..يزيد احزانها ..و
همها..

كانت اتفكر بطريقه تتخلص من هاي الشركه ..بس كانت تعرف
الطريق مسدود..واوراقها عند هزاع..

خلصت الساعه 6 من شغلها....وصلت البيت وحست بتعب
بحياتها ما عانت مثله..

حطت لها نوما الغدا..ابتسمت تتظنر ها وقت عشا ولا غدا..

بعد ما كلت..رن موبايلها جافت المتصل رقم فقالت ها اكيد
هزاع..صكرت الموبايل بويهه وغلقته..

ورقدت..

**

ما توقعت ساره اتواصل رقاد لليوم الثاني..قالت في خاطرها
..ويه يوم الاربعاء باجر راحه من ويه هزاع و من الشغل..

اول مره ساره تحسب حساب لاجازه..لأنها مع بو هزاع كانت
تنسى التعب ..بالعكس بو هزاع حبيبها بالشغل عكس هزاع..

دشت مكتبها حسب بنشاط..لأنها راقده وايد بعد تعب البارحه

كانت اطالع الملف الي يالسه طول النهار تنسخه..جافته مرتب
..وخط واضح يمكن ها الي اخرها لأنها كانت تكتب شويه
شويه..

رفعت راسها يوم سمعت صوت هزاع.

هزاع: اطلبني لي قهوه.

ساره: ان شا الله..

اشويه ودشت مكتب هزاع شاله معها البريد و الملف الي
نسخته...

حطتهم ع طاولة.

هزاع: شو ها؟؟

ساره: البريد و ها الملف الي نسخته قلت انك تبا اليوم ضروري..

فتح هزاع الملف ويلس يتصفحه ..كانت ساره تتريا كلمة شكر
لأنها صج البارحه هالانسان تعبها و اقل شي تستاهل كلمة
شكر..

هزاع:"يفر الفايل ع الطاولة" بذمتج هالخط ينفهم .؟؟

ساره "اطالع الفايل و بعدين اطالع هزاع."

هزاع "مخرج" انا مب قايلنج اباه اليوم..

ساره "بصوت خفيف" ترا جاهز..

هزاع: شو جاهز منو يقدر يقرا هالجلام المكتوب جنه نقش حنه.

ساره: بالعكس انا حاولت اكتبه بخط مرتب..

هزاع "يتطنز" بدمتج ها خط مرتب..

ساره منزله راسها بالارض..

رجع هزاع وشل الفايل ويلس يفر الصفحات ..تعالى اقري لي شو
هالكلمه..

اجدمت ساره تقرا الكلمة سكنت اطالع وبعدين قالت

ساره:- الموافق..

هزاع:- جي تنكتب كلمة موافق.

ساره "محتجه" انا قلتك بالطباعه احسن و اسرع.

هزاع "يصرخ عليها":- انا الي اقرر مب انتي .

تمت ساره ساكتة مضايجه بنفس الوقت مب قادره اترد عليه لان
الكلمات ضاعت منها..

هزاع: روعي جوفي شغلج.

طلعت ساره ويلست ع كرسيها تتأمل مكتبها وتذكر كلام هزاع
لها..نزلت دموع من عيونها..ويلست اتصيح بصوت خفيف..

شويه وطلع هزاع من مكتبه..جاف ساره اتصيح..يلس بالكرسي
المجابل لمكتبها..

هزاع "يسالها" متى خلصتي البارحه.

ساره "تمسح دموعها":- الساعه ست..

هزاع "امبطل عيونه" ليش كم ورقه بالفايل.

ساره " بصوت متقطع":- خمسين.

هزاع "بصوت حنون" اتصدقين ما ادري هالكثير كنت خلّيت محمد يساعّدج.

تمت ساره ساكتة.. ماسكه القلم بايدها وتخربط ع الورقه الي حذالها..

هزاع: "بصوت ناعم" انا اسف ساره.

حست ساره بشي يتحرك بداخلها يوم سمعت هزاع ينطق باسمها بهاي الطريقه.. ابتسمت مستحيه ..

هزاع: "بنفس نبرة الصوت" اقبلي اعتذاري.

ساره مرتبكه ما توقعت ان هزاع الي دوم يحاول يغشها الحين يالس يعتذر منها.

هزاع "ايير القلم منها" يالله عاد حقج علي.

ساره: اتحس بعمرها ميت مستحه" انزين خلاص طاح الحطب.

هزاع:- شو ما سمعت علي صوت.

ساره "تضحك": - تدلع.

هزاع: "يسالها" مب من حقي.

ساره "اتفكر" اممم لا

هزاع: "وقف" ما عليه استاهل ...بس صج اول مره احس اني
قسيت عليج..مشكوره ع الملف..

ساره: "بصوت واطي" العفو.

الجزء السابع.

في السياره يلست ساره اتفكر بالموقف الي مر عليها مع هزاع..

اول مره ف حياتي تحتك مع شخص ..وتسمح لانسان يجرب منها
هالكثر..يمكن لانها تبا تكسبه و تثبت له ان ما بينها و بين بو
هزاع أي شي..

بس اليوم لاحظت ع هزاع شخصيه يديه ما توقعت انه هالانسان
يمكن عنده شعور بالحنيه..

ع العموم جافت نفسها تستاهل لتعب الي تعبته البارحه بكتابة
الفايل....

يوم الخميس.. طلعت مع اليهال و امها وساروا المركز يشرون..

كانوا يالسين ف الاستراحة ع الكراسي ..
فتون "اتير ايد ساره" ماما ابا اروح الحمام..

ساره: اوووووه الحمام في الطابق الثاني ما اروم اروح فوق
تعبت..

ام ساره: خليها انا باخذها..

ساره: لا خلاص انا باخذها اتعب شويه ولا اتم مع هالخبال
عبودي و حمودي.

عبودي: اصلا انا ما احبج.

ساره: انت شو اتعرف غير هالكلمتين يلي ما فيك خير شرارت
ابوك..

ام ساره "نبرة عتاب" الله يرحمه.

ساره: الله يرحمه و يغفر له..ياالله فتون حبيبي تعالى..

سارت ساره ومعها فتون ..و عند الدري المتحرك

فتون:"رافعه ايدها" شليني.

ساره"تتأفف" انتي عذاب.

شلتها و فتون تضحك بصوت عالي ..كانت ساره تضحك لضحكت
فتون..

ساره:"تضحك" شو عندج..

فتون: مرجحانه..

بعد ما طلعت من الحمام..سارت صوب الدري المتحرك عشان
تنزل..فتون اطالع تحت و تزقر عبادي و حمودي بصوت عالي..

حست ساره بالاحراج لان الناس الموجوده قامت اطالعهن بسبت
صوت فتون.

ساره "تسارها" اذا ما سكتي ما بشتري لج حلاوه.

فتون: بعد ما بتشتري حق حمودي و عبادي.

ساره: امبلى بشتري لهم انتي لا..

فتون "بتصبيح" انا اباا

ساره: عيل اسكتي اول فضحتينا خلق الله ما خلق يطالعنا..

صدت ساره لورا يوم سمعت صوت هزاع من وراها يقول..

شحالج ساره..؟؟

ساره "مبتسمه" ابخير..

هزاع: اول مره اجوفج برع الشركه و انتي مبتسمه لي.

ساره: ما توقعت اجوفك..

هزاع "يلاعب فتون" شحالهم الامورييين..

ردت فتون ورا ساره خايفه.

هزاع: مب طالعه ع خالتج قويه يا الخوافه.

فتون: ماما ما بتشتري لك حلاوه بس انا و عبادي وحمودي.

هزاع: "شل فتون" و انا منو بشتري لي حلاوه..

فتون "مستحيه" انت كبير روح اشتري بروحك..

ضحكت ساره.. و هزاع ابتسم ونزل فتون بالارض بعد ما
باسها.. اتخيلت ساره انها اكون حرمت هزاع و فتون بنتهم..

قالت في خاطرها "ابيه عيب شو هالافكار"..

هزاع: زين جفتج هني.

ساره اطالعه مستغربه..

هزاع:- من ساعه يالس الف ادور ابا اشتري شي بس مب عارف
يمكن انتي اتعرفين..

ساره: انزين يمكن اقدر اساعدك..

هزاع دش المحل الي مجابلتهم ودشت وراه ساره و فتون..

طالعتة ساره محل مجوهرات.. يلس هزاع يرويها العقود الي
عيبتة.. اتمنت ساره اتعرف لمنو ها العقد.. بس هزاع ما قال
شي..

أختارت ساره له عقد غير الي هو مختارنهم.. و شكله عيبه
وايد .. كانت تبا تساله حق منو .. بس جافت مب حلوه..

شل فتون .. وطلعوا من المحل..

هزاع: اذا عندج عادي ادشين معاي ها المحل ابا اشتري ساعه
اتناسب هالعقد.

ساره: خلاص ما يهملك دام موجوده ..

دشوا محل الساعات ..بعد عشر دقائق ..اختارت ساعه اتناسب
العقد الي شراه هزاع..

هزاع: وابوي منكم يا الحريم..سنه.

ساره: "تبتسم" مب انت قايل من ساعه يالس اتلف و ادور..ع
الاقل انا عشر دقائق..

هزاع: "يطالعها" تسلمين ساره.

حبت ساره اسمها يوم هزاع ينطقه اتحسن ان اسمها وايد صار
حلو ..

ساره: العفو ..تبا شي ثاني قبل لا اروح ترا الوالده تتريا تحت..

هزاع: لا خلاص اليوم اجازه مب كل الايام بشغلج فيها..

ساره: خلاص عيل فمان الله.. "بالغلط" سلم ع بو هزاع.

هزاع"اتغيرت ملامح وياه" الله يسلمج.

شلت ساره فتون ..ونزلت الدرې المتحرك عرفت انها غلظت يوم
قالت لـ هزاع سلم ع بو هزاع..بس هالمره عدت ع خير..

ام ساره: وينج تأخرتي..

ساره: جفت مديري هناك..مب عارف يشتري ..فساعدته.

فتون: ماما شفنا ريال كبير..

ام ساره:- بو هزاع مب تعبان شو يايبنه المركز..

ساره"تضحك" قصدها طويل مب كبير ها ولده هزاع..

ام ساره: ياالله انروح عيال اختج رقدوا..

كانت ساره تبا توصل البيت ابسرعه..عشان اتفكر ع راحتها
..وتسترجع كل الي صار اليوم مع هزاع في المركز..

كانت تتمنى اتعرف هالعقد و الساعه لمنو..يمكن لوحده يعرفها او
لاخواته..بس هي الي تعرف مب معرس..

فكرت هزاع مب من النوع الي يركض ورا البنات ..لانه اصلا ما
يعرف يغازل اعنده اسلوب ولسان دفش..

هاليوم كان واحد ثاني..اصلا اليوم اول مره يعاملها جي..
اتنهدت ساره و كانت تجلب فوق شبريتها..تتخيل انها وهزاع
معرسين وفتون بنتهم ..

يلست تضحك جي بيكون منظرها هي تشتري حق البيت ولا
هزاع يراكض ورا العيال من مكان لمكان..

كانت تدري ان افكاره شبه مستحيله تتحقق..لان هزاع ماخذ عنها
فكره انها تبا بو هزاع...و ثاني شي..هي وين وهزاع وين..

حاولت ترقد وتنسى هالافكار لانها اتعرف.. اذا حطت هزاع فـ
بالها وايد بتتعب لي ما تنساه..

كانت اتفكر اسلم طريقه .انها تبتعد عن كل ها انها اتقدم ع وظيفه
..بس وين واورقها ..كلها عند هزاع..

حتى شنطتها.. ما اتعرف شو سوا فيها ...

اذا بغا يردھا بتقوله ما اباھا خلھا لك..صارت موضتها جديمه..

بوقت ما كانت ساره اتفكر بهزاع رقدت من غير ما اتحس..

و في اليوم الثاني...طلعت ساره من حجرتها ...جافت اليهال محد
..يلست ادور عليهم..

ساره: نوبا..

نوبا: نعم مدام.

ساره: وين امايه و اليهال.....؟؟

نوبا: يطلع برع من تتين ساعه..

ساره: انزين ييبي لي كوب حليب..

سارت ساره حجرتها اطالع عمرها ف المنظره..اتذكرت كلام هزاع
يوم قالها..انها حلوه من غير مكياج..

اتنهدت ..ياليت ..ما عرفت هزاع ولا التقت فيه..كانت اتخاف انها
اتخونها مشاعرها و يخونها قلبها..بس الظاهر ها الي صار..

كل احاسيسها اتميل لـ شي اسمه هزاع..رغم كل المعامله الجافه
الي جافته منه ..بس ها ما منعها انه صار جزء من حياتها..

بعد ما شربت حليبها ..طلعت برع الحجره ع صوت عيال
اختها..وامها..

سارت يilst معاهم..و كانوا اليها يسولفون لها عن طلعتهم
لبيت عمهم..بس هي ما كانت معاهم موليه..

حست ساره ان يوم الجمعة كان يوم وايد طويل وممل ..عشان
جي في اليوم الثاني الصبح..قامت من وقت ..اتغسلت .

كانت تتمكيج..بس قالت في خاطرها"هزاع يعيبه شكلي من غير
مكياج.."

مسحت المكياج من ع ويها و طلعت ..وصلت الشركه..هالمره
كان هزاع موجود ..استغربت ساره ..ان هزاع بعد هالمره ياي
من وقت..

لاحظت ساره ان هزاع قام يعاملها غير عن قبل..كان يكلمها
بهدوء ..ويضحك معاها و يسولف بس احيانا ينجلب عليها اذا
طرت بو هزاع..

عرفت ان مهما تغير اسلوب هزاع معاها بس افكاره وحده ما
بتتغير ..

مر ع ساره اسبوع كامل ما حسنت فيه لانها كانت مستانسه
بالشغل..مع هزاع..و حسنت ان هزاع نفس الشي..

و في يوم كانت ساره مشغوله ع الطباعه..فسمعت صوت بنوته..

البنيه:- هزاع موجود.

رفعت ساره راسها جافت جدامه وحده حلوه مب حلوه الا قمر
..مب عايبتنها خلقت ربها بعد تارسه ويها مكياج بس معطنها حلا
و جمال..زياده.

البنيه:- اقولج هزاع موجود.

ساره: "واقفه" هي موجوده بس عطيني اسمج عشان اخبره.

البنيه:- "اتحرك ايدها" مب لازم انا بروحي بدش له ابا
افاجاه..كانت ساره بترد عليها بس تحركت صوب باب هزاع
..وقبل لا تفتح الباب

التفت صوب ساره و قالت:- تراني خطيبته."ودشت الحجره"

يلست ساره ابسرعه ع كرسيها قبل لا اطيح ..من الكلمات الي
صدمتها..قالت في خاطرها "هزاع خاطب" ليش ما قال..

كانت شويه و بتصيح..عرفت ان هزاع كان يقص عليها ..كان
يبين انه معجب اب ساره..اكيد عشان ينسيها بو هزاع..

بس هي ما اتحب بو هزاع..

كانت تتوقع انها ستتعب اذا حبت هزاع.. عشان وايد اشياء بس
عمرها ما اتخيلت انه بيطلع خاطب.. كانت اتلاحظ الفرق
بينها و بين هزاع وايد.

لكن الحين وايد فرق بينها و بين خطيبته .. ابتسمت "تظنر ع
عمرها" الحين هزاع بفكر فيني و بودر ها الحلوه.

سوت ساره نفسها مشغوله بالكتابه يوم انفتح باب مكتب هزاع..

رفعت راسها مغصوبه يوم سمعت هزاع يرمس.

هزاع:- انا طالع .. خبريني اذا حد سال عني...

ساره: "تهمس" انه شا الله..

هزاع: ياالله إيمان..

ايمان: "بدلع" مع السلامه..

بعد ما طلعا .. ساره..درب اتسد ما اترد..و يلست ع كرسيها..

يعني اسمها ايمان..وين رايعين..و ليش طلع معها..هزاع عمره
ما هد شغله الا اذا كان الوالد تعبان..

نزلت دموع من عيونها ..مصدومه من الي صار لها اليوم..يعني
العقد و الساعه حق خطيبته ..ايمانووووو

هاي شكلها وحده دلوعه ما تستاهل هزاع..بس بالاخير عرفت
ساره انها مب من حقها ابد اتقرر عن هزاع..

و خاصه ان هزاع ابد ما قال انه يحبها حق شو اتلومه كل اللوم
عليها الي عطت نفسها فرصه انها تجرب من هزاع..

حاولت اتركز بشغلها بس ما قدرت تبا اتعرف هزاع وين سار مع
ايمان..

اضايجت ايوم اتصل بها هزاع و قال انه ما بيرجع الشركه..

واضايجت اكثر يوم ظنت ان هزاع هايم بايمان و مستحيل يتركها
دام انه صارت

خطيبته..

الجزء الثامن..

و في البيت فكرت ساره .. اتغايض هزاع .. قالت في خاطرها "
الحين انا يالسّه من الصبح مضايجه عشانه و هو يالس مع
ايمان.."

فكرت انها ادق لـ بوهزاع.. و اكيد هزاع الي بيرد ع الموبايل ..و
جي بضايح منها..

**

خلود "اتسكت عادل" حصووووه تعالي خذي ولدج ذبحني
صياح..

حصه "من داخل الحجره" اصبري يالسّه ارمس بو عادل.

خلود: اووووووه ابسرعه وها ريلج خل يرجع من السفر عشان
افتك منج و من ولدج الي 24 ساعه دموعه تنزل.

حصه "اتشل ولدها" الله اكبر عليج ..صلي ع النبي انزين..

دشوا بو هزاع وهزاع.. بها اللحظة.

بو هزاع "يرمس خلود" اظن الفريج كلهم سمعوا صوتج.

خلود: معقوله و ما سمعوا صوت ها الحشره.

حصه: اباه بتاكل ولدي هاي.

بو هزاع "يضحك" عيل باجر يوم هزاع بياخذ بنت عمه و بيصير
عنده جم ياهل شو بتسوين..؟؟

خلود: وييين لي ما يعرس هزاع انا بروحي معرسه و عندي
درزن عيال..

هزاع: منو قال اني يعرس..؟؟

حصه: لا بتعمر بيت ابووي.

هزاع: هي بعمر بيت ابوي .

بوهزاع: و ليش ما اتعرس اموقف نصيب البنيه.

هزاع"مضايح" انا ما خطبتها عشان اوقف نصيبها انا اصلا ما
اباها ..

بو هزاع: البنيه تباك..و حليلها كل فتره اتنظف حجرتك و اترتبها
..شو تبا اكثر من جي دلع..حتى لو ما خطبتها الكل يدري ان
ايمان لك و انت لـ ايمان.

خلود: انا بروحي ما ادانيها زين اتسوي و ما تاخذها
بو هزاع"يفتن ع خلود" بس انتي ام لسان.

هزاع: خلود الي فاهمتني.

حصه: عشان جي بيت لها طقم وساعه.

هزاع: تراني وعدتها اذا تخرجت من الدراسه بييب لها هديه.

خلود: فديتك اخويه..توني ادري ان ذوقك حلو..

رن موبایل بو هزاع..

بو هزاع: الوو

ساره: شحالك بو هزاع.

بو هزاع: هلا و الله بنتي. شحالج يبه..

ساره: الحمد لله ربي يعافيك ترا الشركه ولهانه عليك واييد..

بو هزاع "يضحك" و اصحاب الشركه ما ولهوا عليه..

عرف هزاع ان الوالد يرمس ساره.. طلع من الصاله.. وسار
حجرته محرج.. فتح علبة الزقاير و يلس يدووخ..

هزاع.. الحين حق شو داقه له.. عمرها ما دقت لي حتى يوم اتصل
لها ما اترد.. ما ادري شو اسوي بها ..

خاطري اجتلها.. اتهد يا ليت ارووووووم و الله هي الي جتلتني
من يوم فتحت لي باب سيارتها.. عند محل الفديو.. ابتسم يوم تذكر
الموقف ..

وبعدين شرأت الساحره تطلع لي بكل مكان..لي ما انصدم انها
السكرتيره ..الي ناوي يروغها من الشركه من كثر الوالد ما
يرمس عنها..

طلعت هي سارونه ..وقف عند المنظره ياطالع ويهه..الناس
اتقول اشبه ابوي نسخه منه..زين انا شباب و ابويه شيبه ليش
اتحب ابوي..

بدال ما اتحبي كفختني بشنطتها زين ما شوهنتي..
باجر بادبها بالشركه ..لانها اتصلت حق ابوي..

طلع مفتاح سيارته..وسار برع عند الكراج..وفتح السياره وطلع
شنطت ساره بعد ما فتح السده..ما بغى يضمها في حجرتها لان
ايمان دوم..تتعبت بحجرتها اونها انتظفها و اترتبها..

يلس يطالع الشنطه يحضنها و يبوسها..ضحك و قال جني مراهق
مب جنه بعد جم سنه بصير في الثلاثين..

اخ لو اعرف هاي البنيه كيف تفكيرها ..كنت من زمان خليتها
اتحبنى ..و خذتها عن الشيبه..

**

و في اليوم الثاني.. يلست ساره ع مكتبها تعبانه لانها ما قدرت
ترقد البارحه.. كان رقدھا متقطع.. عشان جي اضطرت اتحط
مكياج.. اتغطي التعب عن ويھا

دش هزاع المكتب ..و من غير ما يطالعھا..
هزاع: تعالي.

وقفت ساره..يتها ضحكه اتعرف شو يبھا...اكيد عشان اتصالھا
البارحه لـ بو هزاع..

هزاع: "يطالعھا" انا مب قايلنج تقطين علاقتج بـ الوالد..

ساره: "اترد بـ ابرود" ما بينا علاقه عشان اقطعھا..

هزاع: تستهبلين...حق شو البارحه داقه للوالد شو تبين
منه.

ساره: "ترفع كتفھا" اتظمن ع صحته.

هزاع: وبعد..

ساره: بس ولا شي..

هزاع "يخدم منها" الي في راسج ما بيصير..

ساره: قصدك الي في راسك انا ما افكر او اخطط لشي..

ساره اتعرف انها ترمس باسلوب يستفز هزاع.. قالت ف خاطرها
عشا تتأذب و ما تطلع مع الي اسمها ايمانوووو

هزاع: جم تبين و انا بعطيچ المبلغ كاش.. و الحين..

ساره: كل الي اباه سلامت بو هزاع

شهقت يوم هزاع يرها من ذراعها في لحظت غضب..

ساره: "محرجه" انت شو اظن عمرك هدني..

وسحبت ذراعها من ايدها.. ورجعت لورا..

ساره "تکمل کلامها": - لا بو هزاع ولا بيزاته ولا انت
اتهموني.. کل الي اباه اشتغل و اعيش شرات باجي الناس ..وأعيل
عائليتي..

وطلعت من مكتبه..منفعله و يلىست ع الكرسي اتهدى
عمرها..ويلست اتلوم نفسها هي سبب كل ها لو طنشته من
الاول ..هي اتعرف ان هزاع مستحيل يكون من نصيبها

دقايق وطلع هزاع من مكتبه ووقف جريب من مكتبها

هزاع: أبا منج خدمه.

ساره "من غير ما اطالعه" امر

هزاع: قولى و الله بو هزاع ما يهمج..؟

ساره "اطالعه محرجه" ترا دمك وايد ثجيل.

هزاع: ادري بس احلفى ان بو هزاع ما يهمج..

ساره: "متفرغه" و الله العظيم لا بو هزاع ولا بيزاته اهتمني
زين ارتحت.

هزاع "يبتسم" و انا..

ساره "اطالعه مستغربه" انت شو؟؟

هزاع: و انا شو..؟

ساره: انت مديري الديد الي مغلّس علي في الشركه و برع
الشركه..

هزاع "رد ورا": - ييببي البريد..

ودش حجرته..

حطت ساره راسها ع المكتب ..تتنفس بصعوبه..بعد ما ركزت ع
الموقف الي صار يلست تضحك بصوت عالي..

حاولت اتسكت عمرها و تنسى الموضوع..

دشت بالاوراق لـ هزاع.. و قبل لا تظهر..

هزاع: ابا منج شي..؟؟

ساره: شو..

هزاع: اختي جريب اتعرس و ابا اشتري لها هديه شو ابرايج اخذ لها.

ساره: شرات الهديه الي قبلها.

هزاع: لا ما تناسب ..شورايج انا بعطيج بيزات ..و اباج تشتريين لها كل شي..

ساره: كل شي ..مثل شو..

هزاع: يعني مثل ما تقولين اذهبها

ساره"مستغربه" اشمعني انا،،،؟

هزاع"يبتسم"ترا المره الي طافت وايد عيبهم العقد و الساعه..شو قلتي.

ساره "مستانس" خلاص عيل ..بس انا ما اعرف المقاسات
..ولا اعرف متى لازم اخلص.

هزاع: جوفي هي تقريبا مثلج جي نفس القياس ..و بالنسبه لموعد
العرس بعد شهرين ..اظن عندج وقت كافي..

ساره: خلاص مب مشكله.

هزاع: ها مب أي شي يصير من بينا اتهونين عن الشغله.
ساره "تبتسم": - صدقني ما اسويها.

هزاع: خلاص عيل ف نهايه الدوام بكتب لج شيك بعشرة الاف
..واذا ما كفت قللي لي...

ساره: ان شالله.

هزاع: ياالله روعي جوفي شغلج..

هزاع بها الايام مشغول..يبا ايعرف شو شعور بو هزاع ناحية
ساره بالضبط..بس كان مختار كيف الطريقه الي يسويها عشان
يتأكد..

دش بو هزاع غرفة هزاع ..

بو هزاع :- يالله يبي ما تبى غدا ؟

هزاع :- لا يبي ما اشتهي .. بعدين بتغدى .

بو هزاع (يلس حذال هزاع) الشركة ماشية أوكية .

هزاع (مستغرب) هيه .. ليش؟؟

بو هزاع:- أجوف هالاياام فكرك مشغول جن عندك مصيبة ..

هزاع :- بصراحة يبي ابا اقولك سالفه بس أخاف تتضايج .. وانا
ما فيني على زعلك ..

بوهزاع:- أفا عليك يبي قول كل شي بخاطرك وما يردك الا
السانك ..

هزاع :- ابصراحة (سارة) داشة خاطري وابا اخطبها ..
سكت بوهزاع يفكر بكلام هزاع .. وهزاع يراقب ردة فعل ابوه ..
بو هزاع :- وبنت عمك ؟؟

هزاع (منفعل) أنا قلت ما اباها حتى لو ماخذت سارة ما بتزوج
إيمان ..

بو هزاع :- الصراحة ما شي مقارنة بين سارة وإيمان واللي تباه
سوه واتحمل زعل عمك ..

هزاع(مستانس) يعني انت ما تباهها ..
بو هزاع يطالع هزاع مستغرب :- ابا منو؟؟!!

هزاع:- ليش انت مب ناوي تتزوج سارة ؟؟

بو هزاع يرفع ايده ناوي يضرب هزاع : سود الله ويهك هاي كبر
اختك تبي اتزوجها لي ..

هزاع (يضحك) ويبوس راس ابوه ..فديتك ياغالي .

بو هزاع (واقف):- ياالله قم اتغدى لأطير سارونة منك ..

هزاع (واقف) اتامر يالشيخ..بس طلب واحد.

بوهزاع: شو بعد لا يكون بتزوجني امها..

هزاع "يضحك":-...لا لا ..ما اريد حد يعرف السالفه..الحين.حتى
ساره... نتريا شويه ..

بوهزاع: خلاص ع خير ..

**

بها الوقت كانت ساره ..مشغوله شو تشتري حق زهبت اخت
هزاع..

كانت معظم اوقاتها اموزعه ما بين شغلها و بين الاسواق..

حتى عيال اختها ما قمت اطلعهم شرات قبل..

كانت ساره اتحس انها شغلها متعبه و يديده عليها بس ابنفس الوقت كانت اتحس ابراحه لانها اتنسيها هزاع..

الا في قليل قبل لا ترقد..كانت تجلب بالفراش ..ساعات لي ما ترقد..تذكر لقاءاتها مع هزاع وضرابتهم ..

احيانا اتحس بشوق له ..واحيانا اتقول يا ليتني ما عرفته..

وخاصه بها الفتره صار انسان ثاني يعامله بكل حب..بس ناقص يقولها احبج..

كانت ساره اتشك انه يلعب ع الحبلين..لانه خاطب..او احيانا اتقول انها تتوهم..لأنها اتحبه..وتتوهم انه يحبها

بس كانت اتعرف ان المستقبل الجريب بيحدد كل شي او ينهي كل شي..

**

الجزء التاسع ..

.

و في المكتب كانت ساره مشغوله في كتابة تلخيص لاجتماع الي صار قبل ساعه..سمعت هزاع يقولها بالسماعه..

هزاع: تعالي ابسرعه.

حست ساره ان نبرة صوته متغيره..قامت من مكانها ابسرعه و دشت مكتبه..

ساره: نعم.

هزاع : "معصب"تعالي اقري ها الملف..

ساره "اطالع الملف" ها الاتفاقية الي سوينها في اجتماع
الهلتون.محدد الميزانية..

هزاع: "اوکی و عطاها ورقه ثانيه": - و ها شو..؟؟

ساره: ها تسليم الميزانية..الدفع..؟؟

هزاع: "مخرج" شو الفرق الحين.

ساره: انا ما اعرف انت شو تقصد.

هزاع: ربع المبلغ محدد..صح..؟؟

ساره"رجعت اطالع الورقتين" هي صح.

هزاع: وين..؟؟

ساره: شو وين..؟؟

هزاع"من بين اسنانه" وين باجي المبلغ..

ساره "خايفه من افكار هزاع" اسال موظف الحسابات انا
شدراني..

هزاع: موظف الحسابات قال انتي الي موقعه..

ساره "شويه وبتصيح" انت تتهمني.

هزاع:- محد غيرج ما اثق فيه.

ساره: انا اشتغلت هني من ثلاث سنوات عمره بو هزاع ما اتهمني
بشيء..

دار هزاع من ورا مكتبه.. ودر ساره ع الكرسي ..فطاحت ع
الكرسي خايفه اطالع هزاع بنظرات المظلومه.

هزاع: اول شي قتلج لا تقاريني بالوالد.. وبعدين انتي قبلها
مديتي ايدج ع مفتاح البريد مالي..شو معاناتها ها.

ساره: "صاحت بعد ما سمعت كلام هزاع" انا حتى البيزات ما
جفتها.

هزاع "بصوت خفيف" ما اصدقج ساره.. ع بالي انسانه غير بس
طلعتي حراميه.. مثل ما كنت اشك فيج.

ساره: "واقفه تمسح دموعها" تقدر اتسوي بالسالفه تحقيق.

هزاع "يصرخ عليها" مب ناقص انا فضايح..روحي شلي
اغراضج وطلعي برع ..

بدايه ما ييت كنت ادور لج زله عشان اروغج بس بعدين جفتج
انسانه غير ..بس ضنوني في محلها

ساره: "رجعت اتصيح" و الله ما مديت ايدي ع شي حرام..

هزاع: "مخرج" طلعي برع لاتصل بالشرطه..

ساره "تترجاه وتمسح الدموع من ع خدها" الله يخليك لا تقطع
رزقي..

حاول هزاع يتعاطف مع ساره .. غير رايه..

هزاع: اذا سامحتج الحين بتكررينها مره ثانيه..وثالثه و رابعه..

ساره"مب انا

هزاع:- حسافه تمنيتج اتكونين جريبه مني بس للاسف الله كشف
نوايج قبل لا اتاخذ أي قرار.

ساره: "تجرب منه".هزاع احلف لك مب انا ..من وين اصرف
لعيال اختي ..

هزاع: "يصرخ عليها" بفلوس حلال مب حرام يا السراقه
..ودزها بعيد عنه..

كانت ساره بطيح ع الارض بس مسكت عمرها..حست ان
كرامتها طاحت بالارض...خلاص انتهى كل شي ..انتهى شغلها
..وانتهى هزاع من حياتها ..ومن قلبها..

وقفت تمسح دموعها ..و جريب تطلع ..

هزاع: اصبري

استانست ساره لانها ظنت ان هزاع بغير رايه ..بس هزاع فتح
السده وطلع اوراقها ..وفرها بويها..

نزلت ساره اتشل اوراقها..

هزاع:- حسني اخلاقج بالوظيفه اليديه...وحلال عليج ربع
المليون.

كانت ساره بترد عليه بس عرفت ان ماشي فايده من اقناعه..

شلت اوراقها و شنطتها وطلعت من مكتبها من غير ما تلتفت
لورا..

**

مرشهر وساره أدور ع وظيفه ما خلت مكان الا وقدمت
اوراقها..كل ما تذكرت هزاع يوم راغها من الشركه كانت
اتحس..ان ها الموقف صار البارحه..

كرهت هزاع كثر ما كرهت نفسها لانها تعلقت به وايد..صادفتها
أيام سوده..

الي ونسها من هاك اليوم ..ان طلع لهم بيت شعبي..و انتقلوا
هناك ..وخلوا بيتهم الجديد إجار..

بس كانت اتعرف ان فلوس الاجار ما اتسوي شي..وفلوسها الي
في البنك جربت اتخلص..

كل يوم ايمر اتحس ساره اسوأ من اليوم الي قبله..

احيانا كانت اتفكر اتصرف من 10 الاف الي عطاها هزاع
..عشان زهبت اخته..بس تتراجع ..لانها ما تبا تثب له انها صج
حراميه..

احتارت كيف اتوصل باجي المبلغ و الملابس الي شرتها لاخته..

لان ما باجي غير شهرين ع العرس..في البدايه كانت اتحاول
تتصل لـ بو هزاع او الدريول بس كانت تتراجع عن قرارها باخر
لحظه..قررت انها تبعد نفسها عن هاي العايله..

لأنها من عرفت هزاع يابت لنفسها المشاكل و عوار الرأس..

كانت تبتم وتتمصخر ع عمرها انا سرقت ربع مليون من
الشركة...وينها لو عندي جان ما درت بالشوارع كل يوم ادور لي
وظيفة..

انتفست مضايجه من حر الشمس..ركبت سيارتها..وقررت انها
ترجع البيت..لأنها تعبت وايد..

كانت كل ما اتقدم بمكان خاص ترفض شكت ان هزاع ..وزع
اسمها بهاي الاماكن عشان ..محد يشغلها يسويها..هزاع..

و بطريحتها للبيت رن موبايلها ..جافت رقم ما مر عليها من
قبل..

فكرت اترد بس بعدين غيرت رايتها يمكن يكون هزاع..

بس هي مغيره رقم موبايلها..هزاع من وين بييب رقمها

وصلها مسج "ردي ابا ارمسج بشي ضروري انا وحده
اتعرفينها"

طالعت ساره المسج مستغربه امنو هاي ..؟؟

و قبل لا تنزل من السياره رن موبايلها مره ثانيه و بنفس الرقم..

ساره: الوو

إيمان: ايمان خطيبت هزاع وياج.

ساره "مستغربه" خير..؟؟

إيمان: انا اعرف انتي الانسانه الي متعلق فيها هزاع..صح.

ساره "تتهدد" لا مب انا.. انتي غلطانه.

إيمان: "اتهدد" احسن لج ابتعدي عن هزاع تراه خطيبي و انتي
نزوه عابره..

ساره: سيري لاه ..

وصكرت التلفون بويه إيمان و نزلت من السياره.. ع قد ما
ضايجت ساره من هاي المكالمه ع قد ما كانت مستغربه شو الي
خلي ايمان ادق لساره..

من وين يابت رقمها.. اصلا مر شهر و هي ما اتعرف شي عن
هزاع ولا عن الشركه.. شويه وصلها مسج.. "انتي لو متربية ما
سويتي علاقه مع واحد خاطب"

ساره بعد ما قرأت المسج "غربلج الله"

دشت حجرتها ..لحققتها امها..
ام ساره: بلاج اتغربيلين منو.

ساره: وحده فاضيه.

ام ساره: ها لقيت وظيفه.

ساره "تتنهد" من وين يا امايه انا تعبت خلاص.

ام ساره: و الله ما ادري شو اسوي لج..لو بايدي كنت ريحتج من زمان.

ساره"شويه وبتصيح" حسبي الله ع الي كان السبب.

ام ساره: تعالي تغدي.

ساره: ما اشتهي تعبانه.

ام ساره: يمه جوفي ويهج كيف صار وايد ضعفتي ..وين كنتي و كيف صرتي.

ساره: الظروف اتسوي كل شي امايه.

ام ساره: شو بتسوين يعني الحين.

ساره: ما ادري امايه..

لاحظت ساره ان وصلها مسج ثاني..

" صدقيني بتندمين ع الي سويته يا بنت الفقر"

حرجت ساره يوم قرت ها المسج و من كثر ماهي معصبه فرت
التلفون باليدار و اتكسر قطعه قطعه..

طاحت ع الشبريه و يلىست اتصيح..مضايجه من حالها..حست
ان أبواب الدنيا امصره بويهها..

ام ساره :-بلاج يمه بسم الله عليج..

ساره: "تصيح" لو لحقت باختي زين كنت ارتحت من الهم الي انا
فيه..

ام ساره: "نزلت دموعها" ليش اتقولين جي تبين تذبحيني شرات
ما ذبحتني اختج..الله معنا يمه..

ساره: تحضن امها" انا تعبت خلاص باجر اليهال يبون اشياء و
اشياء من وين اييب لهم ..

ام ساره:"تمسح ع راس بنتها" الله يفرجها يمه بس لا تسوين
بعمرج جي..رج موجود.

يلىست ساره اتصيح بحضن امها لي ما رقت..

تمت ساره مضايجه طول اليوم حابسه عمرها بحجرتها..

جافت الاكياس الي فيها الثياب الي شررتها لاخت هزاع..قامت
وفتحت الجيس جافت فيه خمس الاف..

فكرت تصرفهم بس بعدين اتراجعت وفكرت انها اتردها
لصاحبها..

في اليوم الثاني..بعد ما لفت ساره كم مكان عشان اتراجع
اوراقها ..و اتقدم اوراقها اماكن يديه..

جافت الساعه 12 الظهر قالت شي وقت اوصل هالاغراض بيت
بو هزاع..

لانا اكيده ما بتجوف حد ف البيت الكل في الدوامات الا بو هزاع
و الخدم..

اتحركت صوب بيت بو هزاع ..وقلبها ..يدق ابسرعه بمجرد ما
جافت البيت..

نزلت من السياره ..وقفت دقائق اطالع البيت من برع..اتذكرت
احلامها يوم انها اتعيش هني ..عضت ع شفايفها و قالت ها مب
وقته..

بس خمنت ان هزاع الحين بالشركه..و أكيد الدريول اموصلنه
..خذت نفس ..اجدمت و قبل لا ادق الجرس

..سمعت صوت باب السياره يتصكر..طالعت ورا جافت هزاع نازل
من سيارته..ومعاه وحده

حست بقلبها اتزيد دقائقه و انها مب رايمه اتشيل ريولها من ع
الارض فتمت واقفه مكانها

اطالع هزاع يعدم منها..بها اللحظه عرفت انها غلطانه لانها
فكرت اتبي البيت..

سمعت هزاع يرمسها.

شحالج ساره..عاش من جافج..

كانت ساره اطلع بعيد مب رايمه اتجوفه و لا قدرت اترد
عليه..فتمت ساكته..

سمعتة يقول..

هزاع: خلود هاي ساره السكرتيره الي كانت تشتغل في الشركه.

مدت ايدها خلود اتسلم عليها و سلمت عليها ساره..

هزاع: "يكرم خلود" روي داخل ابا اجوف الضيفه شو عندها
يايه.

خلود: استح ع ويهك دخلها البيت انزين.

ساره: لا ما يحتاي انا بس يايه عشان....

هزاع: "مقاطعنها":- خلود دشي داخل..

بعد ما دشت خلود البيت..حست ساره بالخوف من هزاع..اتذكرت
الموقف الي صار لها اخر مره معاها..

هزاع: "بصوت هادي" انتي وين اختفيتي جنبه الارض انشقت
و بلعتج.

ساره " طالعته مستغربه"

هزاع: وين ساكنه انتي..؟؟ و ليش غيرتي رقم موبايلج..؟

ساره امبطله حلجها من اسلوب هزاع و نبرة صوته ..حتى
نظراته جنبه جايف مخلوق غريب..

هزاع: "يبتسم" زين صكري حلجج عن يدش لج ذباب ..

انتبهت ساره لكلام هزاع..فحست انها كانت متأثره بنظراته..الي
كان متعمد يطالعها فيها عشان يآثر عليها.

ساره: "مرتبه" انا قلت جرب عرس اختك و هاي الاغراض الي
شريتها و باجي المبلغ في الكيس.و الفواتير موجوده.

هزاع: انتي وايد متفيجه.

ساره: اوکی انا اسفه لاني بیت هني اکید انت ما تبا اتجوف رقعت
ويهي بس لازم اوصل الامانه..

اجرب منها هزاع.. ويرها من ايدها صوب سيارتها وفتح باب
سيارتها ودزها داخل..

وسار الصوب الثاني فتح باب السياره و يلس حذالها.. وخذ الكيس
من ايدها وفره بالسيت الي ورا..

ساره يالسه اطالعه مستغربه مب مستوعبه الي يصير ..
هزاع: يالله اتحركي..

ساره: "تهمس" انزل من سيارتي.
هزاع: مب كيفج.

ساره: "تطنز" كيف ترضى ع نفسك تركب مع حراميه.

هزاع: هي انتي حراميه.. يالله اتحركي.

ساره "مضايجه" انزل من سيارتي.

هزاع:- لا اتصارخين انا ما اشتغل عندج ..

ساره: ولا انا ما اشتغل عندك..

هزاع: انزين ابا اتفاهم معاج ممكن تتحركين من هني.

ساره: وين تبا اتسير..

هزاع:أي مكان ..

اتحركت ساره مب عارفه وين اتسير ..اضايجت يوم جافت هزاع
يتعبث بسيارتها،،يشغل الراديو ..ويطالع اشرطتها..

ساره"مخرجه" لا اتمد ايدك ع شي..؟

هزاع: "يبتسم:لا تخافين تراني مب حرامي..

عرفت ساره ان هزاع يقصدها ..وقفت سيارتها ابسرعه ع
الرصيف ..ورفعت ايده عشان تصفحه بس مسك ايدها

هزاع: شنطتج للحين عندي ..و ايدج هاي بقطعها و بخليها بسده
السياره داخل شنطتج..

ساره:"اتصرخ عليه" انزل من سيارتي.

هزاع: جب لا اتصرخين...يا الحراميه.

ساره: هي انزين انا حراميه و كل شي ..شو تبا بعد..

هزاع: "يهد ايدها" اباچ اتحبيني .؟

ساره: "اطالعه مستغربه"

هزاع: ليش ما قلتي انج تحبيني ..

ساره:"ردت ابسرعه" انا ما احبك منو قص عليك.

هزاع: احلفي.

ساره: شو احب فيك .."تستفزه" انا احب بو هزاع بس هو
الي ترس عيني.

هزاع تم يضحك بصوت عالي " ههههههههااااي
اضايجت ساره يوم حست ان هزاع مصخها بالضحك..

اضايجت ساره يوم حست ان هزاع مصخها بالضحك..

ساره "تصرخ عليه" انزل من سيارتي.

هزاع: خيہ ذلتي نی.. بس ما علیہ مقبولہ منج.

ساره: شو تبا منى انا مشغوله الحينه.

هزاع: شو ادورين وظيفه.

ساره "اطالع برع الدريشه": ما يخصك.

هزاع: انتي بدال ما تڪونين عنيده ولسانج طويل جي ما ڪنتي
ذڪيه يا الخديه.

طالعتہ سارہ ابسرعه "شو قصدك"

هزاع:- انتي ما لحظتي بالاجتماع الي كان في هلتون ان محمد
كان موجود معنا.

ساره: هيئه شو فيها.

هزاع: ليش انا كاتب اسم محمد بالورقه.

ساره:لا.

هزاع: و ليش ما نبهتيني ع ها الشي.

ساره: ما ادري ليش.

هزاع"يسند راسه ع السيت" محمد ماخذ ربع المليون.

ساره"تشهق"اونـه.

هزاع"يطالعها": اسف ظلمتج.

ساره: بس ها الي الله قدرك عليه اسف بعد ما ذليتني ذل.

هزاع"يعتدل بيلسه" و الله دورت عليج فـ كل مكان جن الارض
انشقت و بلعتج..بس باسبوع ..اختيفيتي جي وين سرتي.

ساره:طلع لنا بيت شعبي.واجرنا بيتنا الجديد.

هزاع: حتى رقم موبایلج غیرتیه لیش..؟ عشان تنسینی.

ساره "طالعتہ" انت ما تعنی لی شی.

هزاع: اترفین کنت بخطبج بس سالفہ الربع ملیون سوت حواجز
من بینا.

ساره ما کانت امصدقہ کل الی یصیر لها معقولہ هزاع یبا یخطبها
..عشان جی ایمان قامت اطرش لها مسجات..استانست ساره
برمست هزاع..بس اذکرت کیف هزاع خرب حیاتها.

ساره: ما اظن الحاجز یزول ..

هزاع "یهمس" قولی و الله ..انا ما صدقت اجوفج ..و الله ع بالی
یتھیأ لی یوم جفتج واقفه حذال بیتنا.

ساره ساکتہ ما اترف شو اتقول ..

هزاع: بسوی کل الی تبینہ بس وافقی .

ساره: "مرتبه" دور لی وظیفہ.

هزاع: وظیفج موجودہ.

ساره: ما ابا اشتغل عندك.

هزاع: ليش كرهتيني..؟؟

ساره: "منفعله": لاني اصلا ما احبك عشان اكرهك... "بلعت ريجها بصعوبه" اذا كنت صاج معاي وظفني بمكان..

هزاع: بس ها الي تبينه.

ساره: و اتغيب عن حياتي موليه.

تم هزاع يطالعها.. ما قدرت ساره تتحمل نظراته ..فصدت عنه..

هزاع: "يهمس" ساره انا و الله احبج.. ما اروم اعيش من دونج..

تمت ساره ساكتة ما اترد عليه..

عرف هزاع ان سكوت ساره معناته انه ما بتسامحه موليه..فتح باب السيارة ونزل ..من غير ما يقول أي كلمه..

الجزء العاشر..

ما استفادت ساره شي من مشتتها بيت بو هزاع ..رجع الكيس
معها ..ما عرفت كيف نست سالفته ..

بعد ما نزل هزاع من سيارتها اتمنت ..تنزل و تزقره و اتقوله اني
ميته فيك..

و انها ما تقدر اتعيش حياتها من دونه..بس كرامتها منعته ..
بعد ما شوه صورتها حذال الموظفين ..عشان يعرف ان مشاعر
الناس مب لعبه بايدنه..

احيانا كنت اتلوم نفسها ليش سارت بيت بو هزاع ..ومرات تتمنى
انها لو منعته ينزل من سيارتها ..ومرات مرات وايد اشياء ادور
في بالها..

**

بعد اسبوع يتها وظيفه طارت ساره من الوناسه اخيرا لقت لها
وظيفه..عرفت ان هزاع سهل عليها الامور..

بس يستاهل و جافت من حقها ان هزاع يدبر لها وظيفة تعويض
عن وظيفتها الي راحت عليها..

مشت حياة ساره مثل قبل .. ارتاحت لوظيفتها اليديده.. حسست ان
كل شي رجع شرارت قبل إلا هزاع.. كانت تفتقد هالانسان وايد..

و في يوم كانت راده من برع هي و اليهال.. استغربت ساره يوم
جافت خالها .. يالس داخل.. سلمت عليه.. بعد ما تعشى .. راح
بيتهم.

ساره: امايه شو يسوي خالي هني.

ام ساره: "مستانسه" ياب لج خطيب.

ساره:- خطيب .. حق منو..؟

ام ساره:- حق .. حق حق منو بعد.

ساره:- لا اقصد منو ها ...؟؟

ام ساره: ولد بو هزاع..

ساره "مب مصدقه" جذابه.

ام ساره اطالع بنتها بنظرة عتب...

ساره "تعذر" سامحيني امايه بس اقص... ما اصدق .

أم ساره: ليش مب مصدقه كل شي قسمه و نصيب.ها شو رايج..

ساره "واقفه" بفكر طبعاً.. يا الله تصبحين ع خير..

سارت ساره حجرتها مصدومه كانت اترمس عمرها شرات
الخبلة..معقوله هزاع خطبني ..يعني صج يحبني و ايما ان..شو
فيها

اويه هزاع يحبني..طاحت ع الشبريه تضحك بصوت عالي..انا
حرمة هزاع..~~ههههههههها~~اااااايي

نشت ساره من الرقاد تعبانه لانها البارحه كانت اتفكر بهزاع..كانت محتاره اتوافق اولاً..

الي سواه هزاع فيها مب شويه..بس هي تحبه...و بعد بيكون
مستقبل عيال اختها وايد زين..

فكرت اطرش له مسج ..اتعاتبه..

فكرت شو تكتب اخيرا كتبت.. "انا قلتك اني ما ابا ارتبط فيك ليش
اتقدمت لاهلي.."

ياها رد..من هزاع "كيفي"

ضحكت ساره ما توقعت ها الرد..فطرشت له.. "برفضك بتجوف"

وصلها رد "بروغج من وظيفتج ..و ما بخليج تشتغلين موليه..يا
الحراميه.."

عصبت ساره يوم جافت كلمة الحراميه..دقت له

هزاع: يعني هارقمج ها..؟؟

ساره: ما يخصك.

هزاع: نعم ليش متصله.

ساره: استح ع ويهك انا مب حراميه.

هزاع: "يضحك" هههههههه سرقتي قلبي يا الخديه.

ساره: ليش خطبتني.؟؟

هزاع: "يهمس" لاني احبج..

ساره: انا ابا اتزوج بو هزاع.

هزاع: "يضحك" هههههههه لا اتحاولين يوم خبرت الوالد
بالسالفه زين ما كفخني.

ساره: ها عشان جي اجوفك واثق من نفسك.

هزاع: ابا اجوفج..حبيبي

استحت ساره يوم سمعت هالكلام من هزاع.

ساره: عيب.

هزاع: خلصتي زهبت اختي.

ساره: باجي خمس الاف ما صرفتها..

هزاع: يعني ما شريتي شي ها.

ساره: لا و الله شريت ..بس بعد السالفه الي صارت وقفت.

هزاع: و الله انا اسف حبيبي..

ساره "من بين اسنانها" لا اتقول جي بعدين انا.....

هزاع :انتي شو..؟

سكتت ساره..ضحك هزاع:..تستحين ..هههههههه فديت الي يستحون..

ساره "بصوت خفيف":- جب ما يضحك.

هزاع: متى تبين الملجه..؟

ساره: أي ملجه..؟

هزاع: تستهبلين..قولي و الله انج رافضه.

ساره "بدلع" بتسمع الرد عند خالي.

هزاع: تحرقين اعصابي..

ساره: فكر بالي تبا اتفكره..

هزاع: و الله سارونه ارمس جد اذا رفضتيني ببهدلج.

ساره: اتهددني.

هزاع: هي اهددج.. ما يخصني اباج.

ساره: اممم اتعرف الساعه 6 ونص .. يالله بسير اتغسل .. بسير الدوام.

هزاع: مرتاحه بدوامج.

ساره "تتطنز" وايد مب انتة الي مختارنه لي..

هزاع: انزين باجي نص ساعه سولفي شويه.

ساره: ما اروم يالله "بدلع" مديري بعصب علي.

هزاع "مخرج" انزين ماعليه يالله باي

وصكر التلفون..قامت ساره من ع الشبريه تضحك ابصوت عالي..ههههههههاااايي

ایمان اترمس ربیعتهای نوب.

ایمان: و الله اني بموت من القهر يعرف اني اشكر احبه و اني ذابيه فيه و حتى حجرته يوميا انظفها له.. صبح ما فيه خير ..

نوف: لیش ساره بشو احسن عنج.

ایمان : وع تعالی جوفیها و الله انا احلی عنها..مدري شو جایف فیها..

نوف :- يمكن مسويه له سحر.

ایمان : اقوالین۔

نوف: انتی للحين اتروحين بیت عمج.

ایمان : ہی

نوف: خلاص عيل ما يهمج يوم بتروحين انتظفين حجرة هزاع
يبيي ثوبه.

ايمان: وين الحين ما اروم ادش حجرته خلاص الريال خاطب
وحده غيري ..و الملجه الاسبوع الياي.

نوف: حبيبتي دبيري حالج جان اتبين هزاع يرد لج يبيي لي ثوب
بنسوي له عمل بخليه يموت ع الارض الي تمشين عليها.

ايمان : خلاص حبيبتي ما يهمج..باجر بتكون الثوب عندج..

**

هزاع طالع من الشركه اتصلت به ساره..

هزاع:الووووو

ساره: شالك عمري.

هزاع: بخير..

ساره: شو فيك .

هزاع: مشغول.

ساره: ليش ترمس بهاي الطريقه.

هزاع: اوووووه انتي بلاج شو تبين .؟الحين.

ساره "مستغربه": - بغيت اتظمن عليك.

هزاع: قلنالج بخير يالله باي

هزاع يصكر التلفون اوف اذنتي هاي ما صدقت عطيناها ويه..

ساره يالسه بحجرتها اتفكر.. ليش هزاع اتغير عليها جي..

دشت امها حجرتها..

ام ساره: بلاج بسم الله عليج.

ساره "تصيح" احس هزاع وايد متغير اخافه ما يبا يملج علي.

ام ساره: يتهيا لج يمه.

ساره: لا امايه قبل كان غير و الحين ما يطيق يسمع صوتي.

ام ساره: بعدكم بأول البر.

ساره: معقوله هزاع ما يحبني ..مستحيل.. امايه.. "تصيح"

**

استغربت ساره ان مر يومين و هزاع ما دق لها بالاول ما اتمر
ربع ساعه الا و يدق..فكرت ادق اتعرف شو سالفته..

هزاع يطالع رقم ساره..

هزاع: اوه هاي شو تبا الحين داقه.. "يرد ع الموبایل" الو

ساره: هزاع شفيك ..

هزاع:- مصدع راسي يعورني.

ساره: عشان جي ما دقيت من يومين.

هزاع "يصرخ عليها" انتي بلاج جي اتحاسبيني ع كل شي .

ساره: انت وايد متغير علي.

هزاع: انتي مدري شو بلاج اوووو احس بضيجه بصر عنج انا
..يالله باي باي

ساره "مضايجه" بااي.

شويه ورن موبایل هزاع..

هزاع :- الوو

ايمان "بدلع" شحالك هزاع.

هزاع: هلا و الله ها هالصوت الي يبرد القلب و يرد الروح.

ايمان "تضحك" وحشتني..

هزاع: انا الي مشتاق لج موت ..الحين عرفت شو ناقصني في
حياتي.

ايمان: اتحبي.

هزاع: بس اموت و اسمع ها الصوت..

و تم يسولف مع ايمان ..ساعات..

ساره ادق لـ هزاع كل مشغول..حست ساره ان هزاع يلعب من وراها ..فقررت تقاطعه ..ما اترد عليه لي ما اجوف شو اخرتها ..مع ها الشخص.

**

بو هزاع و عياله ملاحظين ..ان زيارات ايمان كثرت ..و ان اسلوب هزاع وايد تغير مع ايمان..كان كل ايلس و يسولف معاها..

حتى اتصالاتهم كثرت..و في مره قرر بو هزاع ايرمس هزاع ايجوف شو سالفته..

بو هزاع: جربت الملجه.

هزاع:ملجة منوووو؟؟

بو هزاع:ملجة منو بعد انت و ساره..؟؟

هزاع"مستغرب" اتصدق يا الوالد..اني ناسي الموضوع.

بو هزاع: لازم ايمان صارت ماخذة كل تفكيرك..

هزاع: هي و الله مدري ليش مرتاح لها البنيه وايد..

بوهزاع: وساره.

هزاع: يبا انا افكر اني افسخ خطوبتي مع ساره قبل لا يطيح
الفاس بالراس.

بو هزاع "مخرج" أي فاس و أي راس ليش انت ما كنت بتموت
عشان تخطب هاي البنيه.. وودرت بنت عمك ..شو بنات الناس
لعبه.

هزاع "يحاول يهدي ابوه" زين يبه لا اتخرج..بس انا اتراجعت و
عرفت اني غلطان.

بو هزاع "يرتجف من العصبية" طوف من ويهي لا بركه فيك
بتزوج ساره غصبن عنك رضيت ولا لاء..عشان تتأدب و اتعرف
تاخذ قرار شرات باجي الريايل.

هزاع "خايف ع ابوه" انزين لا اتخرج ..بتزوج ساره خلاص..

الجزء الاخير ..

..

طلع هزاع من الصاله و سار حجرته ..يلس يشرب زقاير وحده
ورا الثانيه مب حاس ابعره..

اتصل لايمان..

ايمان: هلا حبي..؟

هزاع: وينج انتي ...اشتقت لج..

ايمان: شفيك محرج.

هزاع: انا وايد مضايح.

ايمان طفي الزقاير الي بايدك و رمسني عدل..

هزاع: انا ما اقدر اعيش من دونج .. "يتافف" و الوالد يبا
يزوجني غصب ساره.

ايمان "محطيه ايدها ع السماعه" الظاهر عمي يبا له عمل بعد..

هزاع: وينج حبي..؟؟

ايمان: موجوده غناتي .. انت اشعليك من عمي المهم انا و انت
انحب بعض و خلاص..

بوقت هزاع ما بيرد ع ايمان ..سمع حصه و خلود يصارخون
..بصوت عالي..فر الزقاير و سماعة التلفون من ايده..

وركض برع ساير الصاله.. و جاف بو هزاع طايح ع الارض و
حصه و خلود يصارخون..مب عارفين يتصرفون..

هزاع"يصرخ ع خواته" قووووموا ..من حذاله..

و يلس يبطل فص ثياب بو هزاع.. و ابسرعه شله و خذه
السياره..

وصل دقايق المستشفى..اتيجمعوا الدكاتره حولين بو هزاع.. و
ابسرعه خذوه العناية..

وقف هزاع بالممر يلوم نفسه..اكيد بو هزاع طاح بسببه لانه
انفعل و حرج يوم قال انه ما يبا ساره..خطرت ساره ع باله..

"اووه سارونه احس بعمرې من زمان ما جفتها ولا رمستها
بالتفون..""

قام يدور ع موبايله يتصل لها..بس تذكر ان ما ياب معاه شي ..

يلس هزاع يحاوط عند باب الحجره يتريا الدكتور يطلع من عند
بو هزاع عشان يطمئه عليه..

حس هزاع انه وحيد محد معاه..استغرب ان حصه و خلود ما يوا
ولا اتصلوا تلفون..

بعد نص ساعه طلع الدكتور من غرفه بو هزاع..

هزاع: عسى ما شر دكتور..؟؟

الدكتور: الحمد لله الازمه عدة ع خير..واضح انه كان مضايح من
شي..؟؟

هزاع: ما ادري شو اقولك يا دكتور..

دكتور"يحطي ايده ع كتف الدكتور "ع العموم الحمد لله كل شي
ماشي تمام..بنخليه اليوم يرتاح عندنا و اذا باجر تحسنت حالته
..بنطلعه من العنايه..

هزاع"مرتاح":-مشكوور ما اتقصر يا دكتور.

دش هزاع لابوه ..وجافه راقد ..باس راسه.. و يلس ع الكرسي
الجريب منه..

بعد دقائق..فتح بو هزاع عيونه..

هزاع: "شويه و بيصيح" و الله احبك يا الشيخ و احب
سارونه و اكيد بتزوجها..

بو هزاع يرفع ايده ..عشان يمسك ايد هزاع..

بو هزاع"يرمس بصعوبه" اتحمل فيها ها البنيه محد عندها في
الدنيا..

هزاع: ان شا الله بس انت قوم بالسلامه و انروح نملج.

بو هزاع "يبتسم" وين خواتك..

هزاع: في البيت اكيد ما حصلوو حد ايببهم.

بو هزاع: روح عندهم ..و ان شا الله باجر اجوفكم هني.

هزاع "يبوس راس ابوه" ما تجوف شر الله يخليك لنا..

وطلع من الحجره..و في السياره..يلس هزاع يفكر كيف غاب عن
سارونه هالايام كلها .. كيف قدر اصلا ما يسمع حسها..

صبح حس انه مفقدنها..و جريب البيت اتفاجا هزاع من الناس
الي متيمعه حذال بيتهم .. و من سياره المطافي..

نزل ابسرعه من السياره..

هزاع: شو صاير وين خواتي..؟؟

_ الاهل كلهم ابخير بس حجره وحده احترقت الي برع..

اتذكر هزاع انه فر الزقاره من ايده..يوم سمع صراخ خواته..

بعد ساعه..دش هزاع البيت.. وجاف كل شي بحجرتة احترق ما
بقي الا الرماد..

سمع صوت خلود من وراه..

_اشحاله الوالد.

هزاع: ابخير..الحمد لله ما فيه شي ليش ما اتصلتوا بي..

حصه: وين نتصل..ها كل من الزقاير الي تشربها..

هزاع: "مخرج" من صراخكم..

دشت ايمان البيت..

ايمان: اجر و عافيه.

هزاع"يصد الصوب الثاني" هاي شو يايبنها هني اووف.

حصه"تساسره" عيب عليك..

هزاع:ياالله الحمد لله ماشي اوراق مهمه في الحجره كلها ثياب و افلام فيديو..

ايمان"في قلبها" احترق العمل

خلود: خذنا لابي.

هزاع: ان شالله باجر بيطلع .. عطيني تلفونج..

خلود: ليش.

هزاع:"مخرج" شو ليش..تلفوني احترق..ابا ارمس القلب.

ايمان: القلب.

خلود: انزين شفيك مخرج زين ما حرقت علينا البيت بكبره.

وسارت اتيب تلفونها..لحقتها حصه يوم سمعت صوت ولدها
يصيح..

ايمان"تجدم من هزاع وبدلع" هزاع.

هزاع:-نعم

ايمان:ما اشتقت لي.

هزاع: شو.....؟؟

ايمان:شفيك ..قبل ساعات كنا بنتفج ع الزواج.
هزاع"يطالعها باشمنزاز" ما ادري ليش كارهنج..

وسار عنها داخل ..

اتصل بساره..بعد ما خلود عطته الموبايل..
ساره: "ناشه من الرقاد"الووووووو..

هزاع:بصوت المشتاق" فديت هالصوت و الله..
ساره"اتبطل عيونها" منووووو

هزاع: من حقج تنسين صوتي..استااهل حبيبي..

ساره"مستغربه" هزاع..توك تذكر ساروونه.

هزاع: و الله اليوم بعد ما طاح ابوي و احترقت حجرتي...حسيت
اني وايد وايد امقصر معاج.

ساره:"خايفه" بسم الله شو هالاخبار باخر الليل..شو بلاه
عمي..؟؟

هزاع: يته نوبه ..بس الحمد لله عدت ع خير..

ساره: ليش الدكتور قال انه قلبه خلاص و الحمد لله.

هزاع: ترا قال محد يضايجه او يخليه ينفعل..

ساره:"اتلوم هزاع" اكيـــــــــد انت ابو المشاكل ضايجت
به..صح..

هزاع"بصوت حزين"حرام عليج حبيبي كافي الي فيني ..لا
اتلوميني اكثر..

سكتت ساره..تاخذ نفس..

ساره"تهمس"اسفه حبيبي..بس..

هزاع: شو...؟؟

ساره: ترا الملجه نهاية ها الاسبوع.

هزاع: "مستانس" هي عيوني ..فديتج ..لا يكون غيرتي
 رايج..

ساره: ع بالي انت الي غيرت رايك..نسيت كيف كنت اتكلمني
الايام الي طافت..و تلفونك كل مشغول..عرفت ان حد خذك مني
خلاص.

هزاع: بتصدقيني لو قتلج اني بعدني احبج..و الله ما بخلي حد
ياخذج مني حتى و لو كان بو هزاع..

ساره "تضحك" مينـوون.. حبيبيـ.

هزاع: انا ما اعرف ليش الايام الي طافت كنت احس بضيقه يوم
اسمع صوتج..ولوعت جبد.

ساره "اتعاقبه" هـ ز ز ا ا ا ا ا ا ا ا ع..

هزاع "يضحك" و الله..

ساره "تطنز" سحروك

هزاع: اشك..حبيبي ما عندي ثياب باجر اداوم فيها كلها
احترقت..

يَلسْت ساره تضحك ابصوت عالي هههههههاااايييي
من طريقة كلام هزاع..

هزاع: انزين اتعيبين علي ها ما عليه.

ساره: ما قلت لي جان شريت لك شي ..مع زهبت اختك..

هزاع: أي زهبة اختي..؟؟

ساره: خلصتها كلها.. بقت اشياء بسيطه بس البيزات خلصت ..

هزاع "يسالها" كم تبين اطلبي عيوني..
ساره: ما اعرف.. انزين خلي اختك اتجوف الاغراض يمكن ما
يعيبها ذوقى.

هزاع: حبيبي .. هاي لج مب لاختي.. هاي زهبتج انتي.. غبيه .. ما
فهمتینی.

ساره.. ساكته مصدومه.. ما توقعت ان هزاع.. يسوي جي خله
تزهق قبل لا يخطبها..

هزاع: وين رحتي..

ساره: قد ما احبك اكره مفاجأتك...

هزاع: خليني اجوفج باجر اشتقت لج..

ساره: امايه اتقول ماشي لقاءات الا بعد الملجه و انا بعد
ابا جي..

هزاع: انزين بنملج باجر او عقبه..

ساره: تضحك " كيـفـكـ

هزاع: ما تبين..

ساره: امممممم ما ادري..

هزاع: مديرج الشيبه مستعيل الي يقول هو بيملج مب انا..

ساره تضحك": _ بسالك جاوبني ابصراحه..؟؟

هزاع: عيوني لج.

ساره: ليش طنشتني الاسبوع الي طاف .. و كنت تشغل التلفون مع منوووووو

هزاع: قتلج كنت احس بضيجه يوم ارمسج..

ساره: و منو كنت اترمس..؟؟؟ ليش كنت اتحس ابضيجه و شو تغير الحين..؟؟

هزاع: "معصب يتذكر ايمان" شدراني.

ساره: ليش محرج..؟

هزاع: "يتافف" انتي لازم اتكدين علينا..

ساره: شو يضمن لي ما اتعيد هالسالفه مره ثانيه..

هزاع: ما بسويها انا للحين احبج..

ساره: زين كنت تشغل التلفون مع منوووووو؟؟

هزاع: واحد من الربع..

ساره "تحذره" هزاع..؟

هزاع: اتحبيني ساره..؟؟

ساره: كنت تشغل التلفون مع منوووو؟؟

هزاع: "مضايح" إيمان.. زين ارتحتي..

تمت ساره ساكتة.. مثل ما توقعت..

هزاع: و الله يا سارونه كنت احس بعمرى مجبور.. جن حد ايلس
ع راسى و يقول لى اتصل بها.. ما ادري ليش بس الحين
خلاص.. ما اهتم..

ساره: يالله بااي.

هزاع: "يترجاها": - سارونه حبيبي ..

ساره: باي..

صكرت التلفون بويه هزاع و غلقته يلىست اتصيح..ابصوت
عالي..

كانت هي ما ترقد الليل اتفكر فيه.. وهو يسهر مع ايمان و
غيرها...صج ما يستحي ع ويهه..

في اليوم الثاني..

ام ساره: ياالله قومي تاخرتي عن الدوام.
ساره"اتغطي ويها" ما ابا اروح ابا ارقد..

ام ساره: ياالله عاد قومي لا اتسوين شرآت اليهال..

ساره: تعبانه ما ابا اسير مب راقده البارحه..

ام ساره: ابرايج يمه..

قامت ساره من مكانها و سارت عندالتسريحه اتجوف كيف شكل
ويها "ابيه جنه وحده طالعه من المقبره"

فتحت موبايها..جافت مسجين..

فتحت الاول من هزاع" و الله احبج و انا ما خنتج و غصبن
عليج بملج عليج..رضيتي ولا لاء.."

ابتسمت يوم قرأت المسج..تذكرت كيف هزاع ..متسلط و يحسب
الدنيا ع كيفه كل الي يباه يسويه..

فتحت المسج الثاني..جافت رقم.. "احلمي تاخذين هزاع.."

عرفت ساره ان هاي ايمان..فردت عليها.. "اشبعي فيه ..ما
يهمني"

شويه و اتصلت لدوامها تعتذر انها ما بدوام اليوم لانها
تعبانه..

..

اتفقت ساره مع امها..انهم يروحون المستشفى زياره لـ بو
هزاع..

و هاي ثاني مره امها تلتقى فـ بو هزاع ..مره في البيت..يوم
خطوبتها لـ هزاع..و هاي المره الثانيه..

ارتاحت ساره يوم جافت بو هزاع..ابخير..يالس و يسولف..

بو هزاع "يسالها" عيل وين هزاع..ما رمسج.

ساره: "اتجذب" امبلى رمسته اليوم الصبح..

بو هزاع: و انتي ليش ما داومتى.

ساره "تبتسم" ما استاهل اجازه يوم واحد يا الشيخ.

بو هزاع "يضحك" تستاهلين كل خير..يا بنتى.

ام ساره: ما اتجوف شر ان شا الله تطلع بالسلامه.. و نملج فيهم.

بو هزاع: شو راىكم باجر.

ساره ساكتة مب عارفه للحين شو تتخذ قرار ..ما عرفت بشو
تصرف..بعد اخر مكالمه لها مع هزاع..

ام ساره: الراي عند العريس و المعرس.

بو هزاع: لا ما عليج .. هزاع خاطره اليوم قبل باجر بس المهم
ساره شو اتقول.

ساره "مستحيه" ع راحتكم..

اضايجت من ردها بس ما شي حل ثاني.. لان بو هزاع صحته ما
تسمح انها .. اتغلس عليه..

شويه .. دشت خلود و حصه .. سلموا .. عليهم..

خلود: هلا العروووووس..

ساره: "تضحك" اشحالج خلود..؟؟

خلود: طيبه.. بعد جوفت حرمة اخوي.

ساره: اونج.. "وتضحك"

يلسوا يسولفون و يضحكون.. ومرات خلود تضحك ابصوت
عالي.. و حصه اتفاتن عليها.. اتخيلت ساره كيف علاقتهم في
البيت اكيد.. جي خبال ..

طالعت ساره بو هزاع يوم هزاع دش الغرفه..
هزاع "يبوس راس ابوه" و يسلم ع الموجودين..

يوم مد ايده ع ساره.. كانت ساره ناويه انها ما اتمد ايدها ..بس
الكل يطالعها.. فاضطرت اتمد ايدها..حست هزاع رص ع ايدها
متعمد..رفعت راسه اطالعها..يوم قالها..

__اشحالج__

ساره "اتير ايدها" ابخير..

هزاع: زين اسالي ع اخباري.

بو هزاع: متسحيه البنيه..

هزاع: مستحيه جدامكم بس..

الكل يسولف و يضحك.. بس ساره كانت مب ماخذة راحتها لان
هزاع يراقبها..و الكل ملاحظ ها الشي..

طلعت ساره موبايلا من الشنطة..و جافت مسج من
هزاع..طالعه فابتسم لها..استغربت متى كتب المسج..ما انتبهت
له.. "ابا ارمسج الحين"

ردت عليه "جب"

يتها الضحكه..يوم جافت هزاع يقرأ كلمة "جب" فعض شفايفه
..رجع يكتب لها "تأديبي ..لاضربج حذالهم كلهم.."

ساره كانت اتعرف ان خلود اتراقبهم.. عشان جي هي مسويه جو
بالغرفه ..عشان تشغل الكل و ما يلاحظ المسجات الي تطرش من
بين ساره و هزاع..

ردت كتبت له "روح أدب ايمانوو الي يالس اتغازلها طول الليل "

حرجت ساره لان هزاع ابتسم يوم قرا مسجها..فرد
عليها "احبج يا الحراميه"

بعد ما قرأت المسج دورت ساره شي اتفره بويهه ..بس اتذكرت
ان الكل موجود بالغرفه..فقررت انها اتروح ..مع ان اليلسه
عايبتها بس هزاع خرب عليها

ساره"واقفه" ياالله اسمحولنا ..

ام ساره: اسمحولنا عاد

هزاع: تو الناس..

ام ساره: من ساعه نحن يالسين هني..ان شا الله وقت ثاني..

سلموا و طلّعوا..اتعمدت ساره تجاهل هزاع..حتى كلمة فمان الله
ما قالتة..

و في السياره..

ام ساره: شفيج.

ساره"مستغربه" شوو.

ام ساره: ما تبين الريال..

ساره مب عارفه شو اترد..

ساره: ليش فكرتي جي.

ام ساره: احساس الام..

ساره: ما ادري يمه متردده ..اخاف ارفض و انهي كل شي بس
خايفه ع بو هزاع..ترا ما يستوي اجازيه بهاي الطريقه.

ام ساره: و ليش اتغيرين رايج شو الي صار..في المستشفى ما
شا الله عليه هزاع باين عليه عكس كل الي قلتيه لا تغير ولا
شي..

ساره في قلبها"انتي ما تعرفين شي يمه" ..

ساره"تتهد": مدري..

ام ساره فكري زين يمه قبل لا تتخذين أي قرار تندمين عليه.

ساره: ان شا الله.

**

نزلت امها .. وسارت اتيب عيال اختها من المدرسه..بعد ما
ركبتهم..

عبادي: خالوووه صديقي عنده لبست بات مان.

ساره: الزبده..؟

حمودي: اشترى لنا مثله.

ساره: انتوا ما جوفون شي..لازم تبوووووونه..

حمودي:خالوووه عبادي ضرب واحد.

عبادي"شويه و بيصيح" جذاب

ساره: اوووووف اسكتوا يوم بوصل البيت اضاربوا..

رن موبايلها ..جافت المتصل هزاع..

ساره: الو.

هزاع: شو هالحركات..؟

ساره: أي حركات..؟

هزاع: انتي وين سيارتج محد عند الكراج....؟؟

ساره: سايره اييب عيال اختي من المدرسه..

هزاع: متى بتوصلين..؟؟

ساره: ليش شو تبا..؟

هزاع: ابا ارمسج.

ساره: الناس الحين تتغدي

هزاع: تعالي تغدي معاي.

ساره: اسفه..و بعدين منو الحراميه..؟؟

هزاع "يضحك" الي سرقت قلبي.

ساره: اونك...؟؟

وصلت البيت..جافت هزاع يترياها عند باب بيتهم..

ساره:شو اتسوي هناك..

هزاع: اترياج ادري بج عنيده ما تسمعين الكلام عشان جي واقفنج اشلج من هني..

ساره : انزين بصر ..يلا باي..

نزلت من السيارة و نزلت عيال اختها..

ساره:يلا دشوا..

حمودي: وين بتروحين.

ساره: بشتري لكم باتمان يللا دشو داخل.

بعد ما دشوا

نزل هزاع من سيارته و يا صوبها..اول مره اتحس ساره انها وايد قصيره..يوم واقفه حذال هزاع..

هزاع: تعالي اركبي سيارتي.

ساره: ما ابال.. شو اتسوي هني انا قللتك ماشي ملجه؟

هزاع: مب كيفج.

ساره: عيل كيف منو ايمان..

هزاع: اووووووه انتي ما تنفع معاج الرمسه..

مسكها من ذراعها وركبها سيارتها..

ساره "مخرج" انت شو تتحرا عمرك اشتغل عندك.

هزاع: لا اتخليني اروغج من دوامج نسيتي اني انا توسط لج.

ساره : غصبن عليك لانك انت ضيعت وظيفتي ..

هزاع: لا اتصارخين انزين بلعومج بيطيح.. ما فيني اخذج

المستشفى لاعت جبدي من المستشفيات.

ساره: محد قالك ..نزلني.

هزاع: وين انزلج ع الشارع.
ساره: انا مب طاقتنك يا الخاين..

هزاع: وقف سيارته "منو الخاين".

ساره "معانده:- انت منو غيرك.
هزاع: كيف اثبت لج ان ما بيني و بين ايمان شي.

ساره: ما يهمني انت اصلا واحد لعاب.
خافت ساره من نظرات هزاع لها ..حست شويه و بيضربها..
هزاع:"بصوت هادي" ليش وافقتي ع الخطوبه يوم جايفتني
واحد لعاب..

ساره:"اترد ابرود" الحين كشتك..

هزاع "يصرخ عليها" لا ترمسييين بها الطريقه ..ترا بجلع
عينج.

كانت ساره بترد عليه بس خافت من صراخه..فكرت تفتح باب
السياره و تنزل بس هزاع يودها من ذراعها..

هزاع: اعقلي انزين انا شو الي بلاني بهاي الخبله..

ساره: "تسحب ذراعها" محد ضربك ع ايدك..

هزاع: "يتطنز" امبلى حد ضربني ع ويهي.و بالشنطه بعد..حشى
مب شنطه طابوقه.

طالعت ساره ..هزاع مستغربه ..لانه كان محرج و فجأه انجلب
..يتمصخر

ضحكت ساره بصوت عالي تذكر الموقف..

هزاع: من حقج..انتي تغارين مني ويهي جايفتني احلى عنج .

ساره: فديت ويهك..بس كنت تستاهل..

هزاع: و الحين استاهل بعد.

ساره: لا بس حد ثاني يستاهل.

هزاع "مستغرب" منووووو

ساره: ايمان.

هزاع: يعني ما انروم نرمس جملتين ع بعض الا طريتي ايمان..

ساره: ما احبها بتاخذك مني.

هزاع: اتهبي الا هي

ساره: عيل ليش كنت اترمسها و مطمئني.

هزاع: انتي ما تفهمين قلتج مب حاس بعمرى.

ساره: اكيبيد مسويه لك شي.. عيل ليش كنت تضايح يوم تسمع صوتي.

هزاع: اتولي المهم انا معاج الحين.. اتحبيني.

ساره: ردني البيت و بخبرك.

هزاع: باجر بنملج.

ساره: انزين..؟؟

هزاع: اتحبيني..

ساره: "تضحك" بعد الملجه بقولك.

هزاع: حرام عليج ما قد سمعتها منج..؟؟

ساره: بعد الملجه ..

هزاع: بتم طول عمري احبج و الله..

ساره: "تهمس" و عيال اختي.بتحبهم..

هزاع:شو جايفتني يهودي..

ساره:"تضحك" انت عسل و الله..

هزاع: و شو بعد.

ساره: ماشي.

هزاع: بخيله.

ساره: بعد الملجه بقولك كل شي..

هزاع: ما اصبر لـ باجر...

ساره: وين بنسكن:؟؟؟

هزاع: عندي فله ..اتكفيني و اتكفي امج و عيال اختج.. حتى اهلي اتكفيهم..

ساره "تضحك" ما بضايجون منهم.

هزاع: اذا قصدج خواتي حصه بيت ريلها و خلود خبله ..بتحب عيال اختج..وايد..

ساره: و انت..

هزاع: احبهم بس حبج انتي غير..يا عمري..

ساره "تضحك": يوعانه.

هزاع: بعزمج ع حسابي.. شورايج.

ساره: موافقه .. تحرك هزاع بسيارته .. سايرين ع طريق يديد في
حياتهم كله حب و شوق .

طريج ماله نهايه ابد..

تمت..

همسة..

اشكر كل من قام بخط كلماته عبر صفحتي المتواضعة.